庫全書

子部

欽定四庫全書 經濟類編卷四十七

于部

詳校官中書臣瞿 恐

主事臣祁韻士覆勘 校對官侍讀臣張 總校官知縣臣終 腾 绿监生臣伍士鹏

焘

琪

故忠 人工写真 上野 THE PARTY STATE 衛軍四個銀行行為 10日子で 經濟類鎮 為首孔子曰事親孝 馮琦馮瑗 白姓垂恩選舉 撰

養國有大政必議之於前訓諮之於故者是以應無失 貢舉皆得其人矣 金石巴四人 献可替否為忠書載稽疑謀及畑士詩美先民詢于芻 胡廣駁左雄察舉議 夫忠孝之人持心近厚鍛鍊之吏持心近薄三代之所 以直道而行者在其所以磨之故也士宜以才行為先 少能相魚是以孟公綽優於趙魏老不可以為滕薛大 不可純以閥閥然其要歸在於選二千石二千石賢則 臣聞君以魚覽博服為徳臣以 界四十七

東舉無過事編見尚書令左雄議郡舉孝廉皆限年四 學鄭阿之政非必章奏甘奇顯用年垂强任終賈揚聲 得與相參竊惟王命之重載在篇典當令縣於日月固 十以上諸生試章句文吏試牋奏明詔既許復令臣等 主賢臣世以致理貢舉之制莫或回華今以一臣之言 於金石遺則百王施之萬世詩云天難諶斯不易惟王 亦在弱冠漢承周秦兼覽殷夏祖德師經參雜覇軌聖 可不慎與益選舉因才無拘定制六出奇之策不出經 1.41-

為晉王以坦為世子文學東宫建補太子舎人選尚書 郎時臺郎初到普加策試帝手策問曰吳與徐馥為賊 晉孔坦字君平少方直有雅望通左氏傳解屬文元帝 不訪台司不博卿士若事下之後議者利異異之則朝 劉戾舊章便利未明眾心不歌矯枉變常政之所重而 陛下納馬 同異然後覺擇勝否詳采厥表敢以瞽言胃干天禁惟 失其便同之則王言已行臣愚以為可宣下百官參其

銀完四年全書

前制坦奏議曰臣聞經邦建國教學為先移風崇化莫 多不敢行其有到者並託疾帝欲除署孝廉而秀才如 官豬宅莫大之惡也鄉舊廢四科之選今何所依坦曰 亂之後務存慰悅遠方秀孝到不策試普皆除署至是 帝申明售制皆令試經有不中科刺史太守免官秀孝 興禹徐馥為逆何妨一 季平子逐魯昭公豈可廢仲尼也竟不能屈先是以兵 即将那今應舉孝廉不坦對曰四罪不相及極縣而) ... J. L. . 郡之賢又問好臣賊子弑君污

於不試冒昧來赴既到審試遂不敢會臣愚以不會與 京都懼累及君父多不敢行其遠州邊郡掩誣朝廷冀 尚斯矣古者且耕且學三年而通一經以平康之世猶 欽定匹庫全書 豆禮戢家廢講誦國闕庠序率爾責試竊以為疑然宣 不行其為關也同者當偏加除署是為肅法奉憲者失 分僥倖找射者得官頹風傷教懼於是始夫王言如絲 下以來涉歷三載累遇慶會遂未一試揚州諸郡接近 漸清積以日月自喪亂以來十有餘年干戈再揚組

孝廉申至七年秀才如故 展講習釣法齊訓示人軌則夫信之與法為政之綱施 之家室猶弗可貳况經國之典而可翫黷乎帝納馬聴 其不會徐更革制可申明前下崇修學校普延五年以 こうこ 所未學實難問通不足復曲碎乖例違舊造異謂因宜 可不拘到遣歸不署又秀才雖以事策亦氾問經義茍 以王命無貳憲制宜信去年察舉一皆策試如不能試 其出如綸臨事改制示短天下人 へいよう 經濟類編 , 聽有感臣竊情之愚

窮古趣自今明經問大義十條對時務策三道進士試 善其言 **薄終非令罷若置之髙第恐後進效之傷陛下雅道** 郎王師旦知貢舉點之上問其故師旦曰二人文體輕 事舎人裏供奉初昌齡與王公治皆有文名考功員 大經十帖 敢曰進士以聲韻為學多昧古今明經以帖誦為功罕 唐冀州進士張昌齡獻翠微宫頌太宗愛其文命于 港四十七

状之 らくこう・2 ハチラ 武后時補關薛謙光上疏以為選舉之法宜得實才取 拾之間風化所繁今之選人成稱霓舉奔競相尚諠 吏之得任也臣恐儒風浸墜廉耻日喪者以出身人太 中宗時國子祭酒楊瑒奏流外出身每歲二千餘人而 明經進士不能居其什一 /則於諸色裁損又奏主司帖試明經不求大指專取 知問以孤經絕句或年月日請自今並帖平文上甚 經濟頻編 則是服勤道業之士不如胥

郎達奚珀畏國忠權勢遣其子昭應尉撫先白之撫伺 玄宗時楊國忠子暄舉明經學業荒陋不及格禮部 武吏觀其勇畧考居官之藏否行舉者賞罰而已 文豈足以佐時善射豈足以克敵要在文吏察其行能 漢武帝見司馬相如賦恨不同時及置之朝廷終文園 一多好四库全書 将者提鼓揮桴臨難決疑一 令知其不堪公卿之任故也吳起將戰左右進劔起曰 無慙至於才應經邦惟令試策武能制敵止驗彎弧昔 **劒之任非將事也然則虚**

思立始奏進士加雜文明經加帖從此積弊轉而成俗 文解自隋煬帝始置進士科猶試策而已至高宗時 代宗時楊綰上疏以為古之選士必取行實近世專尚 復與論曲直遂置暄上第 國忠怒曰我子何患不富貴乃令鼠輩相賣策馬不顧 撫曰大人白相公郎君所試不中程式然亦未敢落也 而去撫惶遠書白其父曰彼恃挾貴勢令人慘嗟安 國忠入朝上馬超至馬下國忠意其子必中選有喜色 ノ・ナラ

一嚴武並與館同至議以為今試學者以帖字為精通 中第得出身下第罷歸代宗命諸司通議李極筠賈至 朝之公卿以此待士家之長老以此訓子其明經則 廷擇儒學之士問經義二十條對策三道上第即注官 朴崇廉讓何可得也請令縣令察孝廉取行著鄉問 帖括以求僥倖又舉人皆今投牒自應如此欲其返淳 知經術薦之於州刺史考試升之於省任各占一 文者以聲病為是非風流頹弊誠當釐改然自東晉以 經 朝 誦

宗関之壻楊殷士汝士之弟也文昌言於楊宗曰今歲 者鄉里舉馬在流寓者庠序推馬敕禮部具條目以聞 宗関又與元稹爭進取有隙楊汝士與錢微掌貢舉時 李徳裕吉甫之子也以李宗関當對策譏切其父恨之 所屬皆不預馬及第者鄭朗軍之弟裴誤度之子蘇巢 段文昌李紳各以書屬所善進士於徽及膀出文昌紳 綰又請置五經秀才科 來人多僑寓士居鄉土百無一 · . . 1. 11 一二請無廣學校保桑梓

自是德裕宗関各分朋黨更相傾軋垂四十年 奈何奏人私書豈士君子所為邪取而焚之時人 勘微奏文昌紳屬書上必居徽曰尚無愧心得喪 舎人王起等覆試的點的等十人贬微宗閱汝士等或 沈既濟詞科論 問諸學士德裕稱紳皆曰誠如文昌言穆宗乃命中 禮部殊不公所取進士皆子弟無藝以關節得之上以 康而武太后任事参决大政與天子並太后頗涉文 初國家治自顯慶已來高宗聖躬多 多之 書

一 欽定四庫全書

炎足四車全書 一 策以取禄位此行已立身之美者也父教其子兄教其 措奇謀雄武無所奮百餘年生育長養不知金鼓之聲 燈燧之光已至于老故太平君子唯門調户選徵文射 足人無苦窳四夷來同海內晏然雖有宏猷上畧無所 **通烈下繼四聖理平之化賢人在朝良將在邊家給戶** 退久浸以成風以至開元天寶之中上承髙祖太宗之 后君天下二十餘年當時公卿百辟無不以文章因循 史好雕出之藝永隆中始以文章選士及永淳之後太 經濟類編

或有馬故是非相陵毀稱相騰或有結釣黨私為盟軟 于道路选相談訛無所不至馬 以取科第而聲名動天下或釣披隱處嘲為篇咏以列 弟無所易業大者登臺閣小者任郡縣資身奉家各得 四方觀聽希其風彩每歲得第之人不浹辰而周聞天 其足五尺童子耻不言文墨馬是以進士為士林華選 下故忠賢雋彦韜才毓行者咸出于是而桀奸無良者 朝廷求賢之道備于往古以經學文

文記事 在書 藝之流凡設十有二科以待之郡國每歲貢士盡應其 者十有二三幅每日斷長補短以文以武不啻三十餘 相與候望以其昇沉以備于慶賀除書小者五六幅大 給之紙筆之資日就中書録其所命每春暮親朋子弟 庭野賞實順于王命當承平之時卿大夫家召備書者 科其外諸侯各舉所知以為禪補聖世奏章不絕于明 功勞或昇獎舊熟制詔之辭必嘉其官業賞其才 歲之內萬有餘眾或考秩遷滿或方伯慰薦或代 經濟類編

之何嘗試論之自文藝之流假手于人投擲于公仰之 帖之時預有歌括問義之日一席之內對者六七旨誦 使之然也自朝廷及郡國諸侯之所舉皆無其實將如 餅不可以充飢誦樂不可以愈病益無其實而有其名 天子共治于四海未當得一賢將與天子鎮靜于二邊 非求之不廣薦之不至也豈五百年一賢生世哉夫畫 褒其行實似其勞績無一 者率不能知其偽公試之地尚復乞貸經學之子考 日不為之未當得一 賢士與 欠とりをという 本於訊諫理解之要故其文章傳之至今又與今日之 之也以為之去留即經學文藝之謬也如是况漢世公 本疏別無新意更相救助發起義端有司但記其屬求 學者異矣若文學侍從之臣必選于切問近對之才必 之列或處處理之任朝廷每有水旱灾珍彗幸陵犯日 **师大夫皆以通經對策名動天下然後登用或居諫諍** 月薄蝕必引所通經義証據以為之救殆與今日之經 赋者異矣郡國所送羣衆千萬孟冬之月集於京師 经渐频编

直能撫實哉官達体門易如秋草能復貴贱之别缺 幸執之命官宣惟平生未交于一言益見其姓字而已 信其人以為薦公孫弘董仲舒之學也相如枚舉之才 裳之重矣朝廷委輔相之權衡覽諸侯之章疏視其文 書者必可指期于清貫美秩名邦劇邑諸侯之薦士也 之借聽取其謬樂之說謂之横薦凡四方表孟達于中 所薦率皆應權倖之古承交遊之命取其虚名奏署謂 麻衣如雪紛然淌于九衢是非相難固不可知矣諸侯 金牙四個百量

為相也富國安人來諸侯之朝成覇王之業然後以為 實安可不信大臣之言從而與之上下相家其何以濟 久こうといき 審取其必達取其必富貴賤如一死生不變之為誠明 生故吏有罪必連坐舉主史有之矣今薦賢之賞久已 也為其為將也覆軍擒帥伐國獲地然後以為得為其 廢矣連坐之典又不行矣况令之所舉非徒古者知之 且姬周之世薦賢者多受賞魯史有之矣魏晉之日門 也丹季政事之能也孫吳將師之界也時君既不問其

宣繁吾道之廢與宣係歷數之理亂乎然用之則如此 舉之薦禰街也委而棄之仁傑之薦東之也舉而用之 不用則如彼騏驥伏櫪安能十里之步龍泉在匣孰知 委而棄之竟不能知其道之否减狄仁傑為張東之有 文舉薦禰正平以為堪任大臣有學陶稷契之才漢后 之功過皆莫知也為人用人之道何以得其賢矣昔孔 得今之舉也士為筮仕結緩之漸一命一官而已他日 相業武后用之為相果能克正唐祚有中興之功文

新兵四母全書

有之利天下者以利已之厚者也利百姓者乃利其身 濟濟多士文王以寧以四海所歸之聖尚假多士之力 失人則亂古今不易之常理安可不以求士為急詩曰 **况中庸之主哉易曰君子不家食吉仲尼以天縱之徳** 之遠者也君子之人豈不利其身哉為國家得人則理 之中行心胸之事安人之安而存隨之利人之利而身 之知己者苟有知者甘心死節尚且不疑况復昇榮顯 截玉之利悲夫用與不用耳士之于世不可期于一人 貢士論 伸明上賞連坐之典以正之奸邪攀縁之路斯將息矣 空谷益遺賢之嘆也又曰東吊美爱賁于邱園葢求之 矣有道之士爭獨之矣 于野也賢人君子何代無之哉上之人其求之以道既 猶思賢者與之共食況尋常人哉又曰 皎皎白駒在彼 不廢于朝夕于所薦不公所用非賢難以至于理當在 舉之妄後當自獲其辜知有畏矣在位者斯有賢者 禹畫九州列貢輕重舉賢用材成在其中故

|銀定匹庫全書

選自古而然漢世得人于斯為威國家武徳初今天下 於射宮以擇諸侯所貢之士若善者乃受上賞不善者 冬季集貢士于京師天子制策考其功業解藝謂之進 試所通經業策問理優深者乃中高第有行著鄉里辟 以籍上聞計州里之大小材之多少謂之計籍人主親 **熟爵其次削地得預于射宫以射諸侯之義而為諸侯** 所舉者重所用者大漢法每州若干户歲貢若干人吏 周官司馬得俊造之名乃進于天子謂之進士又天子 經濟類編

若見公相來交請友識面為難動必有應遊必有從密 權沉密詞辯雄壯藏否由已昇沉在心羣衆必集其門 麗者有才源可尚者有權勢抑取者有朋友力威者機 道備當聞之有門閥清貴者有狀骨婦相者有容质秀 弟鶗貌竒偉無才無藝者亦冠于多士之首然相士之 時務為策目雖行此權第又不由于文藝矣惟王公子 士已廢于行實矣其後以部官權輕移之于禮部大率 以三場為武初以詞賦謂之雜文復對所通經義終以 卷四十七

文色日華 生 之長者發中心病時皆目之完人秋風八月鞍馬九衢 端利若鋒鋩所排及九泉所引昇霄漢緘點無言衆必謂 處隱會深誠重約朱門甲第之間思神不能知者盡知 神氣揚揚行者避路取富貴若咳唾視州縣如奴僕亦 之雖名臣碩德萬位重權可以開闔之可以搖動之可 以傾覆之有司畏之不敢不與之者言泉疾于波浪舌 公鄉非其道者抱文章而成痼疾朝廷取士之門于斯 不獨高于貴胄亦不賤彼狐介得其術者捨耒耜而取 經濟類編

數以甲乙為貴輕彼兩科題目之間增其異名至其傳 明君賢臣悉以同力大革其嫳復以經明行修為急所 利輕肥朋黨比周交遊酒食亂其國政于斯為威竊願 質虎皮曰抱憤之人汩泛塵土天九重高不可以叫加 為最衰世以來多非其人明庭無策問之科有司望至 粉燻香服飾鞍馬之費多致匪人成于收牢取資債以 以浮薄之子通相唱和名第之中以隻數為上賤其雙 公之道登第之人其辭賦皆取能者之作以玉易石羊

金ででん

家東帛不在闕庭之下皆嚴穴隱逸之人行仁抱義之 賤之位哉為仁義一日則為君子不為仁義一日則為 寒素論 充舜與于献畝之中以仁義而得天下曾顏 子化之于鄉里聞之于郡國達之于朝廷然後求之豈 謂斥彼浮華敦其茂實儒風免墜失取士之道 小人豈在世載相襲冠裳相承吁哉蒲輪不枉諸侯之 予天子喜之以桀紂比之于匹夫匹夫 怒之豈在其贵 非諸侯之祚以徳行而居儒道之首以曽顏比之于天

くこうらん かり

經濟類編

道德自尊文藝自将見之若敬大臣避之若逢擊獸又一 牛醫之子以德行聞令服見之家流品之人視寒素之 為差也况布素對策名聞于天下者有之矣徒走以取 五更教人以孝教人以悌典教化之本也文不以爵禄 禮老者獲養脩長幻之道也天子太學父事三老兄事 子輕若僕隸易如草芥曽不以為之伍寒賤之子能以 在鄉大夫之子哉諸侯鄉飲之禮敬年尚盡使少年知 公师者有之矣鄭康成拾胥吏之役歸為儒者黄叔度 巻四十レ

銓衡論 大下日日 日本日 **羯材之美者不出于里閈之内為棟梁之用士之美者** 非貴胄之子而登卿相之位况投竿而為王者師挽車 人也余何人也曾不自敬其身故且朝為匹夫暮為婦 而為天子相豈白屋之士可自遺之哉 在于我而已是玉之美者不産于廊廟之下為瑚璉之 相者有之矣朝為諸侯暮為餒鬼者有之矣道之用舍 不自審之所致也充舜何人也猶將比肩其道流品何 王者列官分職以成庶政材不可失官不 經濟類編

輩無說該國必出于是視其官屬如弄嬰兒若陷之以 有司而已令吏部自尚書至郎吏五人抱案者向百餘 其為猥詐不可勝紀以天下之大九州之衆職官將萬 委吏部擇官上自即吏下至承簿皆禀之銓注科名入 餘員令長簿尉官秩至甲理道與下最親朝廷輕之委 選品秩所陰敷伐授任四方奏薦加點伸書易名取姓 稱其本自周室以司馬宗伯選士漢魏晉宋降及國朝

曠故銓者以慎擇為目衡者以公平無私或失于是豈

於全四軍全書 ~ 填咽街巷聒于耳目清資劇邑必有主者朝列之中以 宰視之不成獨狗區區風塵殍死者眾胥更賄賂之交 者止于詰其陰緒循其資歷點其昇遷求其殿犯豈有 者摘材為善久廢其事為人擇官始無虚日其稍留心 以取亦有居官清苦罷無資財考秧既深然後送堂時 文之徒偏得其便乞憐之子畧無愧容大為笑端不可 問其為政之本為理之道至若試以章判拘以棘圍當 利即左右手之不若抵筆署夕且未之暇馬能得其過 經濟類級

賈至議楊館條奏貢舉疏 為盗賊甘心于白刃之下生業既亡饑寒是逼遂陷于 能豈復為改為理是以生民致困歲月凋弊逋逃林籔 畏懼憧憧政路指期而取其之官也納賄償債且未之 寬伏往蒲小者掠行旅大者破井邑天下九州蜂飛蝟 角がし 此皆為政之驅也持衡者得不以鈴擇為急 起以至于陷危宗社夫眾庶非樂于遠父母棄妻子之 樂為之某官若干萬錢某邑若干束絹公然大言曽 1: 11 謹按夏之政尚忠殷之政尚

敬周之政尚文然則文與忠敬皆競人之行也且夫述行 教化移風俗益王政之所由廢興也故延陵聴樂知諸 美極人文人文興則忠敬存為是故前代以文取士本文行 侯之存亡今試學者以帖字為精通而不窮古義豈能 謂之好學至于修春秋則游夏之徒不能措一辭不亦 也由解以觀行則及解也宣父稱顏子不遷怒不貳過 天下關睢之義曰先王以是經夫婦成孝敬厚人倫美 明乎問者禮部取人有垂斯義易曰觀乎人文以化成 经有期编

馳騁儒道之不與四者皆由取士之失夫一人之事緊 金分四母有重 由是生馬臣弑其君子弑其父非一朝一夕之故其所 豔豈能知移風易俗化天下之事乎是以上失其源而 知遷怒貳過之道乎考文者以聲病為是非而務擇 來者漸矣漸者何謂忠信之陵頹耻讓之失所未學之 先王之道消則小人之道長小人之道長則亂臣賊子 下襲其流乗流波蕩不知所止先王之道莫能行也夫 人之本謂之風賛揚其風繁卿大夫也鄉大夫何常 基四十七

10 10 11 AND 1 比屋可封逆節不得而萌也人心不得而搖也且夏有 魚就科目者皆小藝四人之業士最關於風化近代趨 天下四百載禹之道喪而殷始與馬殷有天下六百祀 十年不復向使禮讓之道弘仁義之風著則忠臣孝子 滄海而望吞舟之魚至不亦難乎所以食垂餌者皆小 禄之徒趨馳末術是誘導之差也夫以蝸蚓之餌雜垂 仕靡然向風致使禄山一呼而四海震蕩思明再亂而 不出於士乎今取士試之小道而不以遠者大者使干 經濟類編

三光分景九州阻域竊號偕位德義不修是以子孫速 樊尚於浮侈取士術異尚濟一時自魏至隋僅四百載 至有近戚竊位强臣擅權弱主孤立母后專政而社稷 弘四科之舉西京始振經術之學東都終持名節之行 而秦始并馬觀三代之選士任賢皆考實行故能風俗 不順終彼四百豈非學行扇化於鄉里哉殿後文章道 湯之法棄而周始與馬周有天下八百年文武之政廢 運祚長遠秦坑儒士二代而亡漢與雜三代之政

新定四月在書

卷四十七

今欲依古制鄉舉里選猶恐取士之未盡也請無廣學 久足四年全書 在耕築地望繁數百年之外而身皆東西南北之人馬 舉士之道蹤亂代取人之術此公婦大夫之辱也楊綰 顛享國咸促國家革魏晉深隋之弊承夏殷周漢之業 版圖則張問井未設士居鄉土百無一二因緣官族所 冠遷徙南北分裂人多僑處里朝一平區宇尚沒因循 所奏實為正論然自典午覆取中原板寫戎狄亂華衣 四隩既宅九州攸同覆豪亭育合徳天地安有拾皇王 經濟類編

利如此則青青不復與刺擾擾由其歸本矣人倫之始 梓者鄉里舉馬在流寓者庠序雅馬朝而行之夕見其 學館令博士出外魚領郡官召置生徒依乎故事保桑 數厚其禄秩選通儒碩生問居其職十道大郡量置太 足長浮薄之風格依俸之路矣其國子博士等望加員 金少日 講習獨禮部每歲擢甲乙之第謂弘獎擢不甚謬哉紙 徒流離儒臣師氏禄廪無向貢士不稱行實胄子何常 校以弘訓誘今两京有太學州縣有小學兵革一 卷四 動生

设定四車全書 一 嘗設科舉多因上書言事拜官至是始命翰林學士江 南唐主好文學故韓熙載與馮延已延魯江文蔚潘佑 皆不由科第相與沮毀竟罷貢舉 徐鉉之徒皆至美官當時唐之文雅於諸國為威然未 王化之先不是過也 耳唐主悦中書舎人張緯前朝登第聞而街之時執政 取士何如前朝對曰前朝公舉私謁相半臣專任至公 文蔚知貢舉進士王克貞等二人及第唐主問文尉卿 經濟類編

武而第二人以下無復得試往時大臣薦舉即召試令 職第一人及第不十年即至輔相令第一人两任方得 陽修曰近年進賢路狹往時進士五人以上皆得試館 自今舉人凡關食禄之家悉委中書覆試 第六宋主謂左右曰聞穀不能訓子那安得登第因詔 宋知貢舉王裕上進士合格者十八人陶穀子那名在 仁宗謂中書曰水潦為灾言事者多言不進賢何也歐 |薄候闕人乃試唯有因差遣例除者半是年勞

|范仲淹意欲復古勘學數言與學校本行實部近臣議 大色写真在自 一
現名實有司東以聲病學者專於記誦則不足盡人材 尚賢豈思多也乃先召試十人餘須後試時士人以登 老病之人此所謂進賢路狹也帝嘉納之因令韓琦等 語曰寧登瀛不為卿寧抱槧不為監 臺間性禁從為顯官而不以官之運速為榮滯故為之 於是宋祁等奏教不本於學校士不察於鄉里則不能 四人舉士得二十人皆令召試琦等以人多難之帝曰 經濟類絲

月名等禁三場先策次論次賦詩通考為去取而罷帖 賦者百日而止試于州者令相保任有匿服犯刑虧行 宿學有道業者士須在學三百日乃聽預秋賦舊常克 皆立學本道使者選部屬官為教授員不足取於鄉里 詞者留心於治別矣簡程式則関博者得以馳騁矣問 學校然後州縣察其履行則學者修飭美先策論則文 大義則執經者不專於記誦矣帝從之乃詔天下州 縣

全分四月分言

參考衆說擇其便于今者 莫若使士皆土著而教之於

令悉罷之 欠己日五日十二 章之變與政通邇來文格日失其舊各出新意相勝為 范仲淹既去執政以新定科舉入學預試為不便且言 人士子習尚險怪奇澀之文號太學體張方平當言文 仁宗切於求士進士諸科一舉而獲選者至十三百餘 詩賦聲病易考而策論汗漫難知祖宗以來莫之有改 且得人當多矣帝下其議有司請如舊法乃韶前所更 經墨義士通經術願對大義者試十道 經濟類編

侍邇英閣講周禮至三年大比帝曰古者選士如此今 為之變 體凡為人所推譽者皆被點榜出流薄之士候修晨朝 金石巴居石電 詔往往沈淪十數年以此毀行干進者不可勝數王洙 進士諸科待試京師者恒六七千人一 聚課於馬首街司邏卒不能禁止然自是場屋之習遂 記楊示而士習不改翰林學士歐陽修知貢舉痛抑新 **奇驅扇浮涛重虧雅俗非取賢欽才備治具之意雖下** 不幸有故不應

とろいりまかはかり 六五經通五為合格兼以論語孝經策時務三條出身 率四五歲一 **歎為舉數既減半主司易以詳較得士必精於是下詔** 次之格以裁抑之 與進士等未幾以登第者眾驟致顯擢復下詔定其遷 明兩經或三經五經各問大義十條兩經通八三經通 間歲貢舉進士諸科悉解舊額之半增設明經試法凡 而屢舉也下有司議咸請易以問歲之法則無滯才之 下詔故士有抑而不得進者孰若裁其數 經濟類編

陛下即位革而新之得擢第一時直史館蘇軾謂祖洽 又以不得逞之故其言遂跌蕩至此數請绌之 策獻之上以示王安石安石言軾才亦髙但所學不正 **試祖宗以媚時君而魁多士何以正風化乃擬答進士** 治道至是上御集英殿試進士遂專用策賜葉祖洽以 策士而用詩賦非舉賢求治之意乞出自宸喪以各訪 神宗時同知貢舉吕公著在貢院中密奏言天子臨 多方四月百十 下三百人及第出身祖治策言祖宗多因循茍簡之政

士少肚時正當講求天下正理乃閉門學作詩賦及其 たろうりましたまる 選遂議更法王安石謂古之取士俱本於學請與建學 决他日安石言於帝曰進士科武詩賦亦多得人自緣 神宗篤意經學深憫貢舉之弊且以西北人材多不在 入官世事皆所未習此科法敗壤人材致不如古既而 進別無他路其間不容無賢者謂科法已善則未也 以復古其明經諸科欲行廢罷詔近臣雜議久而不 書門下言今欲追復古制則思於無漸宜先除去聲 經濟類編

限干字以上分五等第一等二等賜進士及第第三等 格不但如明經墨義倉解章句而已其殿試則專以策 道中書撰大義式頒行試義者須通經有文采乃為中 兼經大義凡十道次論一首次第三道禮部試即增二 詩書周禮禮記一經兼論語孟子每試四場初本經次 然後講求三代所以教育選舉之法施之天下則庶幾 病偶對之文使學者得專意經術以俟朝廷興建學校 可以復古矣於是改法罷詩賦帖經墨義士各占治易

金分四個白雪

出身舊制進士入進謝恩銀百兩至是亦罷之仍賜錢 賜進士出身第四等賜同進士出身第五等賜同學完 許于本路舉人內選有行實曾得文解者歲辟一人權 廣入流之人寒繁常患遺才似未得術非養之有素試 日誨請諸路安撫舉辟士人 たいうちとう 之以事誠不可也如前朝藩鎮延辟士人既閱其實使 三十為期集費 漸進庶幾得其用也臣欲乞今後藩鎮帶安撫使處 經濟網編 切以本朝取士之路最 主

考保薦聞上或賜以本科出身然後隨其羯使必能適 注及已說又言舊明法最為下科令中者即除司法叙名 行之士皆修飭風俗才無遺矣 銀定四月五十 反在及第進士上非是乃詔立經義詩賦两科罷試律 哲宗時尚書省請復詩賦與經義兼行解經通用先儒傳 用與夫科場較藝取其一日之長其效遠矣朝廷久而 本州司士叅軍且今差使觀其能效可以遠用候滿三 詩賦進士習一經試本經論五義及詩賦論策凡四場

とこうし とかっ 者果能知道義自與法律冥合何必置明法一科習為 今典百王不易之法但王安石不當以一家私學欲益 **各煎詩賦士以詩賦為去留其名次髙下則於策論參之** 定高下而取解額中分之各占其半專經者以經義定取 先儒令天下師生講解至於律令皆當官所須使為士 又當先於詞章神宗專用經義論策取士此乃復先王 經義進士習兩經試本經論孟義及論策亦四場兩科通 初司馬光言取士之道當先德行後文學就文學言之經術 經濟類組

長于此而短于彼雖舉變稷契各守一官中人安可求 但令吏部審官院參議選格及哲宗即位左司諫王巖 叟言其不便司馬光奏曰為政得人則治然人之才或 即位乃革去奏舉而弊以定格於是內外舉官法皆罷 令內外官皆得薦舉其後被舉者既多除吏愈難神宗 (銓注有格緊拘以法法可以制平而不可以擇才故 **御試舉人仍試賦詩論三題** 新分四月五十

刻薄非所以長育人材敦厚風俗也至是遂罷之未幾

卷四十七

麗可備著述善聽獄訟盡公得實善治才賦公私俱便 監司經術精通可備講讀學問該博可備顧問文章典 操方正可備獻納知勇遇人可備將相公正聰明可備 備若指瑕掩善則朝無可用之人茍隨點授任則世無 私者止循資序未必皆才乞設行義純国可為師表節 練習法今能斷請謝凡十科舉士應侍從以上每歲于 可棄之士臣備位宰相職當選官若專引知識則嫌于 科舉三人中書置籍記之有事項材執政按籍視其)

|銀定匹庫全書 委封彌官於試卷上題以在京逐路字用印送考試官 試卷哀同糊名其諸道州府舉人試卷各以逐路糊名 材奏欲乞今後南省考試進士將開封國學鏁廳舉人 司馬光貢院乞逐路取人 效者隨科投職所賜告命仍具所舉官姓名其人任官 其南省所放合格進士乞於在京逐路以分數裁定 無狀坐以謬舉之罪的從之 所舉科隨事試之有勞又著之籍內外官闕取嘗試有 卷四十七 准中書批送下知封州柳 取

處必有賢才不可誣也是以古之取士以郡國户口 ALANDINE LIAM I 体孔子曰十室之邑必有忠信如丘者爲言雖微陋之 者當院今將簿籍勘會近歲三次科場比較在京及諸 僻遠狐陋之人與之為敵混同封彌考校長短勢不相 在京舉人追繼時好易知體面淵源漸染文采自工使 場所差試官率皆兩制三館之人其所好上即成風俗 路舉人得失多少之數顯然不均益以今朝廷每次科 (所貴國家科第均及中外如允所請乞下兩制詳定 經濟類編

隱憂匿服不敢於鄉里請解者往往私置監牒妄胃户 貫於京師取解自問歲開科場以來遠方舉人或憚於 進去二親老於京師不復更歸其間亦有身負過惡或 得美官非善為詩賦論策者不得及第非遊學京師者 遠及夷狄無小無大不可遺也令或數路之中全無 金分四周白書 不善為詩賦論策以此之故使四方學士皆棄背鄉里 人及第則所遺多美國家用人之法非進士及第者不 少為率或以德行材能隨其所長各有所取近自族姐

TACTORISE LIBERTY 作妄之人獨得取之令來柳材起請科場事件若依而 道湯湯國家設賢能之科以待四方之士豈可使京師 次科場及第進士大率是國子監開封府解送之人則 之尾而棒土以塞之其勢必不行矣書曰無偏無黨王 逢以誘人於前而以苛法空文禁之於後是猶決洪河 至於不用陰贖冒犯之人歲歲滋多所以然者益由每 往還只在京師寄應者比舊尤多國家雖重為科禁率 人之常情誰肯去此而就被哉夫設美官厚利進取之 經濟數編

|佐体者各思還本矣難者必曰國家比設封彌謄録以 盡至公其諸路舉人所以及第少於在京者自以文藝 金与口四人 侮小者刑獄錢穀以供給役使豈可專取文藝之人欲 其次明察惠和以拊循州縣其次方畧勇果以扞禦 逐路字號必應試官挾私者因此得以用情是大不然 疎拙長短相形理宜點退今若於封彌試卷上題在京 國家設官分職以待賢能大者道德點識以弱語教化 行之委得中外均平事理九當可使孤遠者有望榮進

黨令雖題逐路字號若試官欲狗親知則一路之人共 雖題逐路字號試官亦無所容其私也若朝廷尚以為 短而其餘所長有益公家之用者益亦多矣安可盡加 たこうう 有所嫌疑即乞令封彌將國子監開封府及十八路臨 中所取自有分數豈可偏於本路剩取一人以此言之 棄斥使終身不仕邪凡試官挾私者不遇狗其親知鄉 以備百官濟萬事邪然則四方之人雖於文藝或有所 ,處不知何者為其親知若欲狗一鄉黨則一 1.1 010 絕灣麵編 Ī 路之

者緣人 奏乞降指揮下貢院遵守施行者 數取人其合該奏名者更不入南省奏名數內如允所 理善惡各隨其所長短每十人中取一 其餘路分並依此例委知貢舉官於逐號之中考校文 時各定一字為偏旁立號假若國子監盡用乾字開封 府盡用坤字京東路盡用離字京西路盡用坎字偏傍 人者六人以上五人以下更不取人其親戚舉人别試 数至少更不分别立號只依舊條混同封彌 人奏名不滿十

多分四月全量

1. CIA 17 MICHAEL 而士行自美矣于是詔自今凡遇科舉令升朝官各舉 居家者惟懼玷缺外聞不待學官日訓月察立賞告計 制科何必復置是邪帝然之吕惠卿執政復言制舉止 孔文仲對策件王安石意因言于帝曰進士試策則是 經明行修之士一人俟登第日用以升甲 違犯名教必坐舉主母赦則自不敢妄舉而士之居鄉 勉勵天下使敦士行以示不專取文學之意若所舉 經濟對編

司馬光請立經明行修科歲委升朝文臣各舉所知以

具學究誦書不晓理者無補於事先王收勇力之士 皆 至是始策武舉之士 屬於車右者欲以備禦侮之用則記誦何所施帝從之 射及第于庭策武藝俱優為方班殿直武藝次優為三 於記誦非義理之學遂詔罷之 班奉職入次借職未等三班差役初樞密院修武舉法 不能答策者答兵書墨義王安石曰武舉而試墨義何 武舉試義策于秘閣武藝于殿前司及殿試則入武騎 卷四十七

賢良方正等三科久不行至是增置為六科曰賢良方 人下日南上日日 正能直言極諫博通墳典達于教化才識魚茂明於體 科舉罪詞賦專用王安石經義且雜以釋氏之說凡士 氏尋又禁毋得引用王氏字説 唯獨安石之書以干進精熟者輛上第故科舉益弊品 子自一語以上非安石新義不得用學者至不誦正經 以申韓佛書為學經義参用古今諸儒說毋得專取王 公著當國始請禁主司不得以老莊書命題舉子不得 經濟粉編

之士於是改置宏詞科歲站進士登科者請試武者雖 官守日用不可闕者若悉不試之何以東次文學博異 金石田に 軒親策之 材任邊寄凡六科詔中書門下試察其才具名聞奏臨 三省上言今進士純用經義如詔語章表等文皆朝 用詳明東理可使從政識洞韜暑運籌決勝軍謀宏遠 取無過五人詞格超異者特奏命官 以宏詞科不足以致文學之士改立詞學魚茂科歲

渾厚輝光六經之文而反學雕蟲篆刻童子之技豈不 越前代止是不當專用王安石之學使後生習為一 五人 粹渾厚經緯天地輝光日新者也今使學者不學純粹 須學詩賦而後能文臣以為不然夫六經之文可謂純 朱光庭請用經術取士 附貢士院試去機書而增制點中格則授館職歲不過 不復窮完聖人之藴此為失美若謂學經術不能為文 臣竊以聖朝用經術取士冠

たいりはんない

經濟類編

疏所以違之之說然後斷以已見及諸家之說以義理 道仍須先本注疏之説或注疏違聖人之意則先其注 諸經大義六道乞令每人各治二經每經各試大義三 各雨道考試之法與經同義 通文采優者為上義理通文采粗者為次義理不通雖 有虚文不合格 術取士之法 約歸義理之文條列于左 第二場試論語孟子大義四道論孟 第三場試論 第一場試 道乞於

金石四月石清

陋哉甚非聖朝之美事臣近巳上封事論列今再具以

各四十七

WALDIN TIME 臣所以區區為朝廷力言也伏望聖慈察臣管見如或 可採特賜主張施行 所以修身見於世上之所以飲材置之用皆不失道此 諸家之説窮聖人之蘊復之為事業發之為文章下之 失宗經知根本之學不專用王安石之鑿說各以已見 歷代史兩道問時務 道内兩道乞問歷代史一道時務省試五道三道乞問 荀子楊子文中子韓吏部文中出題 右臣之所陳欲令天下學者不 第四場試第三

師可矣而别為洛學飾恠鸞愚外假誠敬之名內濟虚 之說以浮言游詞相萬士之信道自守以六經聖賢為 侍御史謝廓然請禁有司母以程頤王安石之説取士 待方畧智勇之士 草澤找才異等三科以待布衣之被舉者又置武舉以 秘書即趙彦中疏言科舉之文成式具在今乃祖性理 增置書判拔萃科以待選人之應書者髙蹈邱園沈淪 詔復賢良方正等六科以待京朝官之被舉及應選者 多分四母全書 書而未用璽参政許有玉力爭之巴延怒曰汝風臺臣 惡所在以變士風 偽之實士風日與人才日偷望詔執事使明知聖朝好 校莊田科可給伯衛士衣糧動當國者以發其機又欲 損大廟四祭為一 供張甚或心頗不平及復入中書首議罷科舉及論學 无順帝時徹爾特穆爾 為江浙平章會科舉驛請試官 不報皆辭職去而思誠出為廣西食事時罷科樂部已 於是御史吕思誠等列其罪狀刻之

能向學有壬曰為士者初不事衣食巴延曰科舉取 |有壬曰若張夢臣馬伯庸輩可任大事如歐陽玄之文 章亦豈易及巴延曰科舉雖罷士之欲求美衣食者自 **筹豈盡出於舉子巴延曰舉子中可任用者惟祭政爾** 延日舉子多以贓敗有壬曰科舉未行時臺中贓罰無 御史三十人不畏太師而聽有去宣有云權重於太師 言微爾特移爾邪有去曰太師握徹爾特移爾在中書 邪巴延 意稍解有去乃曰科舉若罷天下才人觖望已

一级定四庫全書

矣有壬以為大耻移疾不出 實妨選法有士曰今通事知印等天下凡三十三百餘 辭治書侍御史溥化前有壬曰恭政可謂過橋折橋者 名今歲自四月至九月白身補官受宣者亦且七十三 也巴延心然其言而議已定不可中輟乃温言慰解之 翊日宣韶特令有去為班首以折辱之有去懼禍不 而科舉一歲僅三十餘人科舉於選法果相妨乎不 うい ここ 學校二十四則附

信可事也小人實不材若果行此其鄭國實頼之豈惟 决之使尊吾聞而樂之也然明曰茂也乃今知吾子之 之何毀之吾聞為國忠信以損怨不聞作威以防怨譬 其所善者吾將行之其所惡者吾將改之是吾師也如 毁鄉校子産曰胡為夫人朝夕游馬以議執政之善否 鄭人游于鄉校以議執政之善否然明謂子産曰何不 之者防川也大决所犯傷人必多吾不能救也不如小 二三臣仲尼聞是語也曰以是觀之謂子產不仁吾不

漢武帝令禮官數學的 信也 其令禮官勸學講義治聞舉遺與禮以為天下先太常 先建太學造立横舎比日車駕親臨觀饗將以弘時 與也陛下尊敬先聖垂意古典宫室未飾干戈未休而 禮壞樂崩朕甚閔馬故詳延天下方聞之士咸薦諸朝 朱浮上光武國學疏 其議予傳士弟子崇鄉黨之化以勵賢材馬 夫太學者禮義之宫教化所由 益聞導民以禮風之以樂

基伏開記書更試五人唯取見在洛陽城者臣恐自今 **欽定四庫全書** 延及四方是以博舉明經唯賢是登學者精勵遠近同 勸樂凡策試之本貴得其真非有期會不及遠方也又 之言傳而不絕舊事策試博士必廣求詳選爰自畿夏 之化顯勉進之功也尋博士之官為天下宗師使孔聖 國失禮求之於野臣浮幸得與講圖識故敢越職 以往將有所失求之密邇容或未盡而四方之學無所 諸所徴試皆私自發遣非有傷費煩擾於事也語曰中

選髙才生受學記 光榮非所敢承帝大笑曰非聖者子孫馬有斯言乎遂 宗有光榮乎對曰臣聞明王聖主莫不尊師貴道今陛 弟子作六代之樂大會孔氏男子二十以上者六十三 章帝東巡狩還過魯幸闕里以太牢祠孔子及七十 人命儒者講論孔僖因自陳謝帝曰今日之會寧於师 下親屈萬乗辱臨敝里此乃崇禮先師增煇聖徳至於 五經剖判去聖彌遠章句遺辭垂

立大小夏侯尚書後又立京氏易至建武中復置顏氏 講議五經同異詔 嚴氏春秋大小戴禮博士此皆所以扶進微學尊廣道 師亦別名家孝宣皇帝以為去聖久遠學不厭博故遂 疑難正恐先師微言將遂廢絕非所以重稽古求道真 欽定匹庫全書 褒顯儒術建立五 經為置博士其後學者精進雖曰承 也其令羣儒選髙才生受學左氏穀梁春秋古文尚書 毛詩以扶微學廣異義馬 益三代導人教學為本漢承暴秦

|藝也中元元年詔書五經章句煩多議欲減省至永平 皇帝受命中興奉雄崩擾旌旗亂野東西誅戰不遑啓 故雖大舜聖徳孳孳為善成王賢主崇明師傅及光武 樊准勘崇文學疏 其勉之哉 憂也又曰博學而篤志切問而近思仁在其中矣於截 儒共正經義今學者得以自助孔子曰學之不講是吾 元年長水校尉儵奏言先帝大業當以時施行欲使諸 臣聞實誼有言人君不可以不學

というちょとは

經濟類編

+

處然猶投文講就息馬論道至孝明皇帝兼天地之姿 幡之良華首之老每無會則論難行行共求政化詳覽 帶從見宗廟其餘以經術見優者布在廊廟故朝多皤 之化嬰相之事誠不足言又多徵名儒以克禮官如沛 巍舟饗射禮畢正坐自講諸儒並聴四方於於雖闕里 羣言饗如振玉朝者進而思政罷者退而備問小大隨 國趙孝琅邪承官等或安車結腳告歸鄉里或豐衣博 用日月之明庶政萬機無不簡心而垂情古典游意經

金分四居石雪

巻四十七

者每稱盛時咸言 承平令學者葢少遠方尤甚博士倚 於定四車全書 一 武之間臣愚以為宜下明詔博求幽隱發揚巖穴龍進 薄以致苛刻昔孝文實后性好黄老而清靜之化流景 訾王大車且県來入就學八方肅清上下無事是以議 則去法律而學該欺銳錐刀之鋒斷刑群之重德陋俗 席不講儒者競論浮麗忘審寒之忠習該該之辭文史 化雍雍可嘉期門羽林介胄之士悉通孝經傳士議郎 (開門徒衆百數化自聖躬流及蠻荒匈奴遣伊秩 經濟額編 四土

茂斗筲小人依憑世戚附託權豪倪眉承睫微進明時 學樂松江覽等三十二人圖象立賛以勘學者臣聞傳 陽球奏罷鴻都文學 書佐使讀律令如此則延頸者日有所見傾 耳者月有 曰君舉必書書而不法後嗣何觀案松覽等皆出於微 儒雅有如孝宫者徴詣公車以俟聖上講習之期公卿 公舉明經及舊儒子孫進其爵位使續其業復召郡 開伏願陛下推述先帝進業之道 伏承有詔勃中尚方為鴻都文 凾

恩蟬蜕浑濁是以有識掩口天下嗟嘆臣聞圖象之設 或献賦一篇或鳥家盈簡而位升郎中形圖丹青亦有 炎芝四年全書 ~ 晉載邀上元帝請立學校疏 筆不點贖解不辯心假手請字妖偽百品莫不被蒙殊 于陰陽帝王之至務莫重于禮樂是以古之建國有明 明聖化願罷鴻都之選以消天下之謗 頌而可妄竊天官垂象圖素者也令太學東觀足以宣 以昭勘戒欲令人君動鑒得失未聞豎子小人詐作文 經濟類組 臣聞天道之所大莫大

然向風身達者七十餘人自兹以來千載絕塵豈天下 于萬里遂使神州蕭條鞠為茂草四海之內人跡不交 妄之禍社稷有級旅之危冠羯飲馬于長江光校妈張 尼列國之大夫耳與禮修學于沫四之間四方髦後斐 堂辟雅之制鄉有庠序饗校之儀皆所抽導幽滯啓廣 金グセス 霸主有旰食之憂黎元懷茶毒之害戎首交拜于中原 小于魯衛賢哲乏于囊時勵與不勵故也自頃國遭無 才思葢以六四有困蒙之吝君子大養正之功也昔仲

改定四車全書一 |成古之俊义必三年而通一經比天下平泰然後修之 無遺比益聖達之所深悼有識之所嗟嘆也夫平世尚 |樂必崩况曠載累紀如此之人邪今未進後生目不視 樂之時此言似之而不其然夫儒道深與不可倉卒而 自古以來未有不由之者也今或以天下未一非與禮 揖讓升降之儀耳不聞鐘鼓管絃之音文章散減圖識 文遭亂尚武文武遞用長久之道譬之天地昏明之选 何處籩丘之事哉然三年不為禮禮必壞三年不為樂 經濟類編

道義使明珠加磨瑩之功荆撲發採琢之榮不亦良可 聖朝以神武之德值革命之運蕩近世之流弊繼千載 斬將奪旗之才亦未有從軍征戍之役不及威年講肄 之絕軌篇道崇儒創立大業明主倡之于上宰輔督之 情乎臣愚以世喪道久人情玩于所習純風日去華競 則功成事定誰與制禮作樂者哉又貴遊之子未必有 日彰猶火之消膏而莫之覺也今天地告始萬物權與 于下夫上之所好下必有過之者馬是故雙劍之節崇

處溥除都陽內史大修库序廣招學徒移告屬縣曰學 所以定情理性而積眾善者也情定于內而行成于外 たいり、日から 而飛白之俗成挾琴之容飾而赴曲之和作君子之德 言奉誦明令慷慨下風謂宜以三時之隙漸就修建疏 風小人之徳草實在感之而已臣以闇浅不能遠識格 **積善于心而名顯于教故中人之性隨教而移善積則** 奏納馬于是始脩禮學 與性成唐處之時皆比屋而可封及其廢也而云可 經濟類編

之基也夫聖人之道淡而寡味故始學者不好也及至 者七百餘人溥乃作語以獎訓之曰文學諸生皆冠帶 素廣開學業以讚協時雍光楊威化乃具為條制于是至 崩江表冠隔久替王教庠序之訓廢而莫修今四海 **誅豈非化以成俗教移人心者哉自漢氏失御天下分** 統萬里同軌熙熙兆庶成休息乎太和之中宜崇尚道 春月所觀彌博所習彌多日聞所不聞日見所不見然 之流年威志美始涉學庭講修典訓此大成之業立徳

| 多定四月全書

CANDID LI MID I 後為徳夫學者不患才不及而患志不立故曰希驥之馬 後心開意朗敬業樂羣忽然不覺大化之陶已至道之 亦驥之乗希顏之徒亦顏之倫也又曰劉而舎之朽木不 質修色積而染工畢矣學亦有質孝悌忠信是也君子 知劉而不舍金石可虧斯非其效乎令諸生口誦聖人 **未見人學而渝者也夫工人之染先修其質後事其色** 内正其心外修其行行有餘力則以學文文質彬彬然 入神也故學之染人甚于丹青丹青吾見其久而渝矣 經濟類編

以貫之積漸以進之則亦或運或速或先或後耳何滯 雅譽日新朋友欽而樂之朝士敬而嘆之于是州府交 而不通何遠而不至邪 匪勤理無由濟也諸生若絕人間之務心專親學累! 無常人也然積一勺以成江河累徵塵以崇峻極匪志 命擇官而仕不亦美乎若乃含章舒濕揮翰流離稱述 之典體開庠序之訓比及三年可以小成而今名宣流 世務探順完竒使楊班韜筆仲舒結舌亦惟才所居固

銀江四月在書

義固矣易所謂正家而天下定者也故聖王家以養正 た己の中と 行成徳立然後裁之以位雖王之世子猶與國子齒使 倫之政存乎設库序库序設五教明德禮洛通奏倫攸 夫献賢能之書于王王拜而受之所以尊道而貴士也 少而教之使化霑肌骨習以成性遷善遠罪而不自知 叙而有耻且格父子兄弟夫婦長幼之序順而君臣之 王導請元帝與學校書 知道而後貴其取才用士成先本之于學故周禮婦大 經濟頻緩 **夫風化之本在于正人倫** 之儀幽而更彰方今戎屬扇熾國耻未雪忠臣義夫所 學業以訓後生漸之教義使文武之道墜而復興姐豆 屬陽九之運禮樂征伐翼成中興誠宜經綸稽古建明 皇綱失統頌聲不興于今將二紀矣殿下以命世之資 仁孟軻所謂未有仁而遺其親義而後其君者也自項 浮偽之競息教使然也故以之事君則忠用之蒞下則 及鄉學于鄉以登朝反本復始各求諸已敦樸之業者 金分四人人 知士之貴由道存則退而修其身以及家正其家以

次定日華在十二 袁瓌論禮教疏 心人面饕餮檢情揖讓而服四夷緩帶而天下從得乎 之師化成俗定莫尚于斯帝甚納之 復道教擇朝之子弟並入于學選明博修禮之士而為 而服淮夷桓文之覇皆先教而後戰令若津連前典與 其道豈難也哉故有虞舞干戚而化三苗魯僖作泮宮 而徳之所被者大使帝典闕而復補皇綱弛而更張獸 臣聞先王之教也崇典訓以弘遠代 經濟類編 四之

以扼腕拊心茍禮儀膠固淳風漸著則化之所感者深

陵替喪亂屢臻儒林之教漸頹庠序之禮猶闕國學索 周既興文史載與端委垂于南蠻頌聲溢于四海故延 務在武功猶尚廢鞍覽卷投戈吟詠况今陛下以聖明 然墳籍莫改有心之徒抱志無由昔魏武帝身親介胄 以仁義之聲于今猶存禮讓之節時或有之疇昔皇運 于斯為首孔子恂恂以教洙四孟軻係之鋂誘無倦是 州聘會聞雅而嘆韓起適魯觀易而美何者立人之道 明禮樂以流後生所以導萬物之性暢為善之道也宗

全とうでした

久已日本 日日 劉梁舉孝廉除北新城長告縣人曰昔文翁在蜀道者 給其宅地備其學徒博士僚屬粗有其官則臣之願也 誦之音盈于京室味道之賢是則是詠豈不威哉若得 書義之府禮樂徳之則實宜留心經籍闡明學義使諷 臨朝百官以度恭莊事朝野無虞江外證靜如之何決 巴漢與桑瑣隷風移碾碾吾雖小宰猶有社稷的赴期 疏奏成帝從之國學之與自環始也 決之風漠然無聞洋洋之美墜于聖世乎古人有言詩 经净频编 74

宋仁宗時判國子監王拱辰田況王洙余靖等言漢太 臣也不當以天子拜之太祖曰孔子百世帝王之師敢 後周太祖如曲阜謁孔子祠既真將拜左右曰孔子陪 後猶稱其教馬 朝夕自往勸誠身執經卷試策殿最儒化大行此邑至 會理文墨豈本志乎乃更大作講舍延聚生徒數百 訪孔子顏淵之後以為曲阜令 不敬乎遂拜之又拜孔子墓命葺孔子祠禁孔林樵採 金万匹人人

者常數百人時方尚詞賦湖學獨立經義治事齊以敦 之禮視諸生如其子弟諸生亦信愛如其父兄從之遊 纖息備具以身率先雖或暑必公服坐堂上嚴師弟子 講殿既備帝韵孔子故事止肅揖帝特再拜賜直講孫 復五品服初海陵人胡瑗為湖州教授訓人有法科僚 學二百四十房千八百室生徒三萬人唐學舎亦千 狹小不足以容詔以錫慶院為太學置內舎生二百人 百問令取才養士之法威矣而國子監才二百楹制度 111 經濟關連

學為外舍定額為七百人外舎升內舎員三百內舍升 師至郡縣既皆有學至是因言者論太學假錫慶院西 直講為十員率二員共講 北廊甚湫隘乃盡以錫慶院及朝集院西廳廣太學增 異者為之試藝如進士法及帝即位尤垂意儒學自京 神宗立太學生三舍法初國子生以京朝七品以上子 實學及與太學記下湖州取其法著為令式 多定四库全書 孫應蔭者為之太學生以八品以下若庶人子孫之俊 外 經生員釐為三等始入太

火足日車上書! 腾绿如贡舉法 至二十人歲一試補內含生問歲一試補上舍生彌封 行之則難事有用意則良而施之則戾者三舎是也故 王嚴叟請罷三舍法疏 薦之于中書除官其後増置八十齊齋三十人外舎生 上舎員百各執一經從所講官受學月考試其業優果 諭以上舍生為之經各二員學行卓異者主判直講復 以次升舍上含免發解及禮部試召試賜第其正錄學 经渐频编 右臣伏以法有為名則美而

使利害得失日交戰於智中損育德養道之淳意非所 者之所共致也臣竊謂库序者所以萃羣材而樂育之 獄訟之端作而防猜之禁繁博士勞於簿書諸生因於 競之患起犇競之患起則賄賂之私行而獄訟之端作 金のせんとう 科舉之外別附進取之多歧以支離其心而激其爭端 以完其志業養其名譽優游舒徐以待科舉者也不必 **文法非復渾然養士之體而庠序之風或幾乎息比識** 自三舎之法立雖有髙材異行未見能取而得之而犇

及足四車全書 ~ 婦兄弟賓客朋友其倫也孰持其倫禮樂刑政文物數 王安石請杜醇先生入縣學書 人之生久矣父子夫 制事為其具也其具孰持之為之君臣所以持之也君 使多士欣欣於從學則上庠宜復有雍容樂易之美為 止以公私試第萬下如昔時自足以獎材氣而厲風聲 先生弟子不相見之禁示學士大夫以不疑講肄之餘 四方於式矣乞下禮部及司業博士共議其當 以敦教化成人材也臣愚乞鑒已然之弊罷三舎法開 經濟頻編

為師之重也古之君子尊其身趾在舜下雖然者鄙夫 為臣人之類其不相賊殺以至於盡者非幸數信乎其 為之師所以并持之也君不知所以為君臣不知所以 而不推餘於人使同我所有非天意且有所不恐也安 重而不解曰天之有斯道固將公之而我先得之得之 問馬而不敢忽敛然後其身似不及者有歸之以師之 石得縣於此瑜年矣方因孔子廟為學以教養縣子弟

金ブログ

不得師則不知所以為君臣不得師則不知所以為

臣

|等入下等補內舎餘居外舍諸州軍解額各以三分之 舎內外生而外學則處外舎生士初貢至皆入外學經 名辟雍外圓內方為屋千八百七十二楹太學專處上 年貢太學考分三等入上等補上舎入中等補上舎下 蔡京請與學貢士縣學生選考升諸州學州學生每三 先生不與古之君子者異意也幸甚 願先生留聽而賜臨之以為之師安石與有聞馬伏惟 克貢士京又請建外學乃詔即京城南門外營建賜 經濟類編

華以為言至是命程順孫覺顧臨同太學長 貳看詳修 之更不考定馬下置尊賢堂以延天下道徳之士錦解 殊非教養之道請改試為課有所未至則學官召而教 定條制順大縣以為學校禮義相先之地而日使之爭 一 奇凝密博士諸生禁不相見教諭無所施御史中丞劉 太學自察確起大狱連引朝士有司緣此造為法禁煩 外學於是上含至二百人內含六百人外舎三千人

えこう良 بت **栈日祖謙志同道合切思講磨擇精語詳開牖後學** 待賓吏師齊立觀光法如是者亦數十條 釋菜之事我朝俱未嘗廢然享師敬道又不可拘舊制 理宗手詔曰虎聞齒胄太子事也此禮廢久矣如釋真 可令太子謁拜太子既還上奏曰先聖之道至我朝而 有以續孟氏之傳然諸說並駕未知統一迨朱熹張 正里道大明今熹已秋從祀而杖祖謙尚未奉明 / CIT 1.7 經濟 類編

額以去 刺誘省繁文以專委任勵行檢以厚風教及置

或儒學提舉等職件學者有所激動帝從之記自今勿 凋謝四方儒士有成材者請擢任國學翰林秘書太常 伴讀著為式既而孟等言方今進用儒者而老成日以 子生為三百人仍增陪堂生二十人通一經者以次補 國學如不忽木等皆蒙古人而教以成材朕今親定國 **铅巨竊望馬帝從之遂封杖華陽伯並列從祀** 宜數課諸生勉其德業至是又諭省臣曰昔世祖注意 元武宗命李孟領國子學諭之曰國學人材所自出卿

|舒定四库全書

くいうえ 禮部集賢歲選六人以貢仁宗從其議 學行以次第升既升上齊踰再歲始與私試辭理俱優 齊履謙與吳澄俱在國學既罷去學制稍廢至是復以 謝病請解機務蒙古主不許且命舉自代者衡奏曰用 許衡上疏論阿合馬專權罔上蠹政害民諸事不報因 **履謙為司業乃酌售制議立升齊積分之法每季考其** 限資給果才而賢雖白身亦任用之 一分解平理優者為半分歲終積至八分者為萬等 ハートラ 經濟類編 五四

一多定匹库 全書 士無國子祭酒即燕京南城舊樞密院設學衛開命喜 算少者則令習拜跪揖讓進退應對或射或投壺負者 以開蔽相其動息以為張弛課誦少暇即習禮或習書 如子出入進退其嚴如君臣其為教因 覺以明善因善 曰此吾事也因請徴其弟子王梓耶律有尚姚燧等十 斷自宸表不可使臣下有市恩之漸乃拜衛集賢大學 人天子之大柄臣下汎論其賢否則可若授之以位則 人為齊長時所選弟子皆幼稱衛待之如成人愛之

衛反魯然後樂正雅頌乃得其所修易序書制作春秋 道之難全也如此是故孔子憂道之不行歷國應聘自 聖帝明王累起相襲其道甚著周室既微而禮樂不正 漢劉歆移讓太常博士書 罰讀書若干遍久之諸生人 Scalored Links 以紀帝王之道及夫子沒而微言絕七十子終而大義 子亦知三綱五常為生人之道 經學十六則 細濟類編 **肯唐虞既衰而三代选典** 自得尊師敬業下至童 立

屋壁朽折散絕今其書見在時師傳讀而已詩如萌芽 孫吳之術與陵夷至於暴秦燔經書殺儒士設挾書之 華重遭戰國素選立之禮理軍旅之陳孔子之道抑而 孝文皇帝始使掌故鼂錯從伏生受尚書尚書初出於 禮儀天下惟有易卜未有他書至孝惠之世乃除挾書 仲尼之道又絕法度無所因襲時獨有一 法行是古之罪道術由是遂滅漢興去聖帝明王遐遠 金牙四月至書 之律然公卿大臣絳灌之屬咸介胄武夫莫以為意至 叔孫通累定

人之日中人生 有三十九書十六篇天漢之後孔安國獻之遭巫蟲倉 恭王壞孔子完欲以為宮而得古文於壞壁之中逸禮 甚閔馬時漢與己七八十年離於全經固己遠矣及魯 得博士集而讀之故詔書稱曰禮壞樂崩書缺簡脱朕 梁趙頗有詩禮春秋先師皆起於建元之間當此之時 博士在漢朝之儒唯賈生而已至孝武皇帝然後哪曾 天下眾書往往頗出皆諸子傳說猶廣立於學官為置 ,人不能獨盡其經或為雅或為頌相合而成泰誓後 經濟類編

罷老且不能究其一藝信口說而背傳記是末師而非 有識者之所情関士君子之所嗟痛也往者綴學之士 公趙國貫公膠東庸生之遺學與此同抑而未施此乃 學官所傳經或脫簡傳或問編傳問民間則有魯國柏 文缺稍離其真廼陳發祕藏校理舊文得此三事以考 多者二十餘通藏於祕府伏而未發孝成皇帝関學殘 不思廢絕之闕茍因陋就寡分文析字煩言碎解學者

金分正四百百

卒之難未及施行及春秋左氏丘 明所修皆古文舊書

士若兹雖的其情猶依違謙讓樂與士君子同之故下 聲 是非抑此三學以尚書為備謂左氏為不傳春秋豈 たい可見 日島 往古至於國家將有大事若立辟雅封禪巡狩之儀則 與二三君子比意同力冀得廢遗今則不然深閉固距 明詔武左氏可立不遣近臣奉吉銜命將以輔弼扶微 無從善服義之公心或懷姑嫉不考情實雷同相從隨 幽冥而莫知其原猶欲保残守缺挾恐見破之私意而 不哀哉今聖上徳通神明繼統楊業亦閔文學錯亂學 經濟期編

羊易則施孟然孝宣皇帝猶廣立穀梁春秋梁即易大 於野古文不猶愈於野乎往者博士書有歐陽春秋公 也寧遇而立之傳曰文武之道未墜於地在人賢者識 小夏侯尚書義雖相反猶並置之何則與其過而廢之 文舊書皆有徵驗外內相應豈苟而已哉夫禮失求之 子也且此数家之事皆先帝所親論今上所考視其古 可與樂成難與應始此題象庶之所為耳非所望士君 而不肯試很以不誦絕之欲以杜塞餘道絕減微學去

動好四月白書

微儒術開置太學孔聖既遠微古將絕故立博士十有 ハンシュ シェア 四家設甲乙之科以勉數學者所以示人好惡改敢就 經典廢絕本文畧存或無章句收拾缺遺建立明經博 其大者不賢者識其小者今此數家之言所以無包大 明章句始於子夏其後諸家分析各有異説漢承亂秦 徐防五經章句取士疏 明韶失聖意以陷於文吏之議甚為二三君子不取也 小之義豈可偏絕哉若必專已守殘黨同門妬道真違 理新題編 臣聞詩書禮樂定自孔子發 五

釋多者為上第引文明者為髙說若不依先師義有相 所不知而不肯關也今不依章句妄生穿鑿以遵師為 是非孔子稱述而不作又曰吾猶及史之關文即史有 博士及甲乙策試宜從其家章句開五十難以試之 非義意說為得理輕侮道術爱以成俗誠非記書實選 相容隱閉生姦路每有策試輕與諍訟論議紛錯互相 本意改薄從忠三代常道專精務本儒學所先臣以為 解

一 好定四年全書

<u>E</u>

著者也伏見太學試博士弟子皆以意説不修家法私

らこうう こかう 晉省松為太常時方修學校簡省博士置周易王氏尚 則廢儒學之俊昔咸寧太康永嘉之中侍中常侍黄門 回自喪亂以來儒學尤寡令處學則關朝廷之秀仕 儀禮公年穀梁及鄭易皆省不置松以為不可乃上 左傳杜氏服氏論語孝經鄭士博士各一人凡九人其 書鄭氏古文尚書孔氏毛詩鄭氏周官禮記鄭氏春秋 所失或久差可矯革 伐皆正以為非五經各取上第六人論語不宜射等 學置博士十九人九州之中師徒相傳學士如林猶選 管建辟雅告朔班政鄉飲大射西閣東序河圖秘書禁 常之職以得質疑今皇朝中與美隆往初宜憲章令軌 典剖賈馬鄭杜服孔王何顏尹之徒章句傳注衆家之 籍臺省有宗廟太府金墉故事太學有石經古文先儒 祖述前典世祖武皇帝應運登禪崇儒與學經始明堂 酬顧問二則恭訓國子以弘儒訓三則祠儀二曹及太 通治古今行為世表者領國子博士一 灰 則應對殿堂奉

灰色四年 三 制十九人今五經合九人準古計令猶未能半宜及節 紳詠于千載之下伏聞節省之制皆三分置二博士舊 文之道將墮于地陛下聖哲龍飛恢崇道教樂正雅頌 張華劉實居太常之官以重儒教傳稱孔子沒而微言 風殊邀思竭駕船庶增萬分願斯道隆于百世之上縉 于是乎在江楊二州先漸聲教學士遺文于今為威然 絕七十二子終而大義華自項中夏殄瘁講誦遏密斯 方畴皆猶干之一臣學不章句才不弘通方之華實儒 經濟對編

餘暇特垂省覽宜為鄭易置博士一 省之制以時施行令九人以外猶宜增四願陛下萬機 明故曰知我者其惟春秋罪我者其惟春秋時左丘 而作春秋諸侯諱妬懼犯時禁是以微幹妙古義不顯 金グロをといっ 子夏造膝親受無不精究孔子既沒微言將絕于是丘 明退撰所開而為之傳其書善禮多膏腴美辭張本繼 一替上無天子下無方伯善者誰賞惡者誰罰孔子懼 春秋公羊博士一人穀梁博士一人昔周之衰下陵 卷四十 人鄭儀禮博士 明

九三日事 上 |異同之説此乃義則戰爭之場辭亦劒戟之鋒于是理 夏立于漢朝辭義清儁斷决明審董仲舒之所善也穀 通才未能孤廢令去聖久遠其文將墮與其過廢寧與 梁赤師徒相傳暫立于漢世向散漢之碩儒猶父子各 過立臣以為三傳雖同曰春秋而發端異趣按如三家 **氏公羊所不載亦足有所訂正是以三傳並行于先代** 末以發明經意信多奇偉學者好之稱公羊高親受子 | 家莫肯相從其書文清義約諸所發明或是式左 經濟類編

宋神宗時王安石等以所訓釋詩書周禮三經上進上曰 者歸一遂頒于學官號曰三經新義新義既頒一 請從松所奏詔曰穀梁膚淺不足置博士餘如奏 者無敢不傳習主司純用以取士先儒傳注一切廢而 今談經者人人殊何以一道德卿所著經其以頒行使學 日 如此皆經國之務為政所由息馬投戈猶可講藝今雖 不暇給宣忘本而遗存那可共博議者詳之議者多 時學

不可得共博士宜各置一人以博其學元帝詔曰菘表

晉阮籍通易論 **昧神明之徳不通萬物之情不類於是始作八卦引而** 進多穿鑿附會其流入于佛老云已上五經 伸之觸類而長之分陰陽序剛柔積山澤連水火雜而 也庖犧氏當天地一終值人物憔悴利用不存法制夷 石又以字學久不講後罷居金陵作字説二十四卷以 不用又點春秋之書不列學官至武之為斷爛朝報安 之變而通之終于未濟六十四卦盡而不窮是以天 易者何也乃昔之玄真往古之變經

之文不存至乎文王故係其辭於是歸藏氏逝而周典 經典上下無常剛柔相易不可為典要惟變所適故謂 後世聖人觀而因之象而用之禹湯之經皆在而上古 攸取窮神知化述則天序庖犧氏布演六十四卦之變 部之利以教天下皆得其所黄帝充舜應時當務各有 南面聽斷向明而治結絕而為網丟致日中之貨修未 地象而萬物形吉凶著而悔各生事用有取變化有成 之易易之為書也本天地因陰陽推威衰出自幽微以

| 欽定匹庫全書

ころうってころう 光之東多益寡從聖善以命雷出於地於是大人得位 待時訟以立義師以聚眾比以安民是以先王以建萬 地不交是以君子一 先王既殁徳法華易上凌下替君臣不制剛柔不和天 治裁成天地之道 輔相天地之宜以左右民順其理 國親諸侯收其心也原而積之畜而制之是以上下和 而未達待時而與循變而發天地既設屯蒙始生需以 明著故乾元初潜龍勿用言大人之德隱而未彰潜 類求同過惡楊善以致其大謙 經濟類編 而

貴役其贱美威亨盡時極日至先王閉開商旅不行后 而作故先王茂對時育萬物施仁布澤以樹其德也萬 是萬物服從隨而事之子遵其父臣承其君臨馭統 物歸隨如法流承養善反惡利積生害剛過失柄習坎 而有之合而含之敌先王用之以明罰勅法自上乃下 大觀天下是以先王以省方觀民設教儀之以度也包 不省方以靜民也季葉既東非謀之獲應運順天不妄 明聖又與故先王作樂薦上帝昭明其道以答天貺於

銀定四月白言

ローセ

得或失一 其徳也自乾元以來施平而明威衰有時剛柔無常或 其利澤施而天下服此天下之所以順自然惠生類也 覆素天地之道囊括萬物之情道至而反事極而改反 用應時改用當務應時故天下仰其澤當務故萬物恃 不飛隨之乃存取之者歸施之以若用之在微貴變慎 與物相追非知來藏往者莫之能審也易之為書也 位上失其道下喪其羣於是大人繼明照于四方顯 除一陽出入吉山由 闇察彰文明以止有量

决柔上索下合今臣遭明君以柔遇剛品物咸亨剛據 和之男下女上通其氣也柔以承剛久其類也順而持 富贵侔天地功名充六合莫之能傾莫之能害者道 中正天下大行是以后用施命語四國貴離教也於是 逆也天地易之主也萬物易之心也故虚以受之感以 以為失損益有時察以主使揚于王庭乗五馬敗剛既 明升惟進光大則傷聚以處身異以成類華離既解緩)通而退之下隆上積剛動大肚正大必用力威則望

|欽定四庫全書|

こうこころ 而說之說而散之順天應人渙然成章風行水上有文 容而無所早身下意利見大人異以中命柔順乎剛入 得其所歸而應之專而一之陽德受歸道豐位大也賢 位君子之欲進者也臣之求君陰之從陽委之歸誠乃 以震守之以威動不可終敵應而行漸以進之為人求 天地萃聚百姓合同升而不已面極及下井養不窮里 不能通不可弗革改以成羯尊早有分長序有序主之 ,君子有衆以成其大也窮侈丧大夫之位奉而靡容

六離體飛鳥以凶是以災青也柔處中剛失位利與時 發於心庶物唯類大得則虧甚往則過既應於遠點則 | 欽定四庫全書 始乘木有功故先王以享于帝立廟奉天建國也剛柔 行過而欲遂小亨正象陰皆乘陽陽剛凌替君臣易位 下泰不宜於上下止上動有飛鳥之象馬初六坎下上 不利故君子是以行重乎恭喪重乎哀篤偽薄也小過 分適得中節之以制其道不窮信愛結內剛得中位該 有光男行不窮女位乎外衆陰承五上同在中從初更

與故謂之長男水老於辰金生於已一氣存之終而復 為儘乾坤成體而剛柔有位故木老於未水生於申而 Start Jen Charle 坤在西南火老於成本生於玄而就在西北剛柔之際 通變無窮周敗又始剛未出陰在中柔濟不遺遂度不 亂而不已非中之謂故君子思思而豫防之慮其敗也 初與之道遠作之由也卦體開闔竟以一為開坤以二 窮則象河洛神物設教而天下服慎辨居方陰陽相求 也故謂之父母陽承震動發而相承專制遂行萬物以 經濟類編 六九

罰者而不施習坎剛中惟以心亨王正其德公守厥職 金石口人 融故良為少男乾圓坤方女柔男剛健柔時推而福禍 勝故光為少女倉中援留肇幽為陽在中未達含而未 始 章故坎為中男周流接合萬物既終造微更始明而未 起故異為長女震發於風陰德有紀火中鵙鳴母道將 也棟挠莫輔大者過也先王之取世也刑設而不犯 將循化知生從變見亡故吉凶成敗不可亂也大過 故離為中女又在西北健戰將升季陰幼昧衰而不

人工可与一年 日 者高而不尊故君子正義以守位固法以威民何衛則 伐思方柔道中也三年有賞徳乃豊也同人五號思其 敢在 随雖寡叢棘凶已三歲上六失道刑決也故高宗 亨減耳而凶也小過何也踰位凌上害正危身小者過 上下不疑臣主無感納約自牖非戶何咎車騎中門劒 不止必亡故初吉終亂也未濟上六飲酒无咎何也過 也既濟初吉終亂何也水加日上三陰乘陽以力求濟 終也旅上之焚樂其窮也是以失刑者嚴而不檢喪徳 經濟類編

至也亢龍有悔何也繼守承貴有因而德不克者也欲 得之不亦災乎九五之災勿樂何也非常之厚離以為 色人炎何也有國而不收其民有衆而不修其跪行 金石正人一二 合陰陽之違行也六三无妄之災或繋之牛行人得之 天之厚威德莫髙之謂尊貴大人受命處中當陽德之 不成何試也龍者何也陽健之類盛德尊貴之喻也配 同無妄之疾災以除凶天時成敗何疾之功勿樂有喜 而其改危而弗間誰各之也无妄何也无妄而至非會

火足马車 主書 通后成天地之道以左右民也成化理决施令誥方因 制保教守法畜履治安者也故自然成功濟用已至大 亂民也茂時育徳應顯其福也享帝立廟的其禄也稱 省方觀民施其令也明罰物法督其政也閉關不行靜 貴勞而無據喪志危身是以悔也先王何也大人之功 聖王所造非承平之謂也后者何也成君定位據業修 大而不顧其小甘侈而不思其匱居正上位而無早有 也故建萬國親諸侯樹其義也作樂為上帝正其命也 經濟類編

臣之行非大君之道也大人者何也龍德潜達貴賤通 神志也見險應難思患預防别物居方慎初敬始皆人 義察危廢以守其身故經綸以正盈果行以遂義飲食 翼教明法觀時而行有道而臣人者也因正徳以理其 君子不錯上以厚下道自然也君子者何也佐聖扶命 以須時辯義以作事皆所以章先王之建國輔聖人之 日 統紹衰中處將正之務非應初受命之事也上者何也 月相易威衰相及致節則利之未捷受故王后不稱

金ガビルノニ

·義以定性取着龜以制情仁義有偶而禍福分是故聖 炎足四車全書 一 方以正性着龜圓通以索情情性交而利害出故立仁 惡愛惡生得失得失生悔去悔去者而吉凶見八卦居 ·莫不一也陰陽性生性故有剛柔剛柔情生情故有愛 故大人虎變天德與也君子曰易順天地序萬物方圓 有正體四時有常位事業有所麗鳥獸有所萃故萬物 輝重光繼明照于四方萬物仰生合徳天地不為而成 有位無稱大以行之故大過減示天下幽明大人發 經濟類編

惡未淳也是以明夫天之道者不欲審乎人之徳者不 賓外內之應已施而貴賤之名未分何也天道未完善 節順之者存逆之者亡得之者身安失之者身危故犯 冥者德之主恣睢者賊之原進往者及之初終盡者始 之以别求者雖吉必凶知之以守篤者雖窮必通故寂 人以建天下之位定尊早之制序陰陽之適别剛柔之)號而比匹夫之類鄰周處小侯之細而享于西山之 '根也是以未至不可坼也已用不可越也紂有天下

天地生誠易之太極也而王氏云太極天地愚謂未當 象陰陽交泰萬物始萌六合體拓老子云有物混成先 混其體聖人藏其身然後廓然既變清濁乃陳二儀著 憂在上而不凌乎下處甲而不犯乎貴故道不可逆德 謂混沌之時朦珠未分日月含其輝八卦隱其神天地 不可拂也是以聖人獨立無悶大羣不益釋之而道存 紀瞻與顧榮同赴洛在途共論易太極榮曰太極者益 用之而不可既由此觀之易以通矣

舒定匹库全意 卦陰陽之理盡矣文王仲尼係其遗業三聖相承共同 之本求天地之根恐疑以此為準也瞻曰昔庖犧畫 子又云天地所以能長且久者以其不自生故能長久 令若謂太極為天地則是天地自生無生天地者也老 大兩儀之謂以體為稱則是天地以氣為名則名陰陽 生二二生三三生萬物以資始冲氣以為和原元氣 致稱易準天無復其餘也夫天清地平兩儀交泰四 推移日月輝其間自然之數雖經諸聖孰知其始吾

儀王氏指向可謂近之古人舉至極以為驗謂二儀生 太極極盡之稱言其理極無復外形外形既極而生兩 藏其身于未分之内老氏先天之言此益虚誕之說非 宋蘓洵易論 易者之意也亦謂吾子神通體解所不應疑意者直謂 不可廢尊之而不敢廢故聖人之道所以不廢者禮為 ,此非復謂有父母若必有父母非天地其孰在 云喉味未分豈其然乎聖人人也安得混沌之初能 聖人之道得禮而信得易而尊信之而

之以為君師而遵蹈其法制者禮則使然也聖人之始 役幼蠶而後衣耕而後食率天下而勞之一聖人之力 殿為之父子而使天下尊役甲為之兄弟而使天下長 之以其所苦而天下之民亦遂肯棄逸而即勞欣然載 固非足以勝天下之民之眾而其所以能奪其樂而易 也若水之走下而聖人者獨為之君臣而使天下貴役 一 銀定四庫全書 之明而易為之幽也生民之初無貴賤無尊甲無長幼 不耕而不饑不懂而不寒故其民逸民之告勞而樂逸

為獸與人相食無已也有貴贱有尊甲有長幼則人不 易達則 褻 褻則易廢聖人懼其道之廢而天下復於 亂 而與之勞生此雖三尺豎子知所趨避矣故其道之 相殺食吾之所耕而衣吾之所蠶則鳥獸與人不相食 殺無已也不耕而食鳥獸之肉不醬而衣鳥獸之皮是 以信於天下而不可廢者禮為之明也雖然明則易達 人之好生也甚於逸而惡死也甚於勞聖人奪其逸死 作禮也其說曰天下無貴賤無尊早無長幼是人之相 所

也是以禮無所不可測而易有所不可窺故天下之人 敢廢者易為之幽也凡人之所以見信者以其中無所 首而不得其源故天下視聖人如神之幽如天之高尊 一 一 一 至 一 至 書 其人而其教亦隨而尊故其道之所以尊於天下而不 考鬼神之情以為解探之茫茫索之冥冥童而習之白 信聖人之道而尊之不然則易者豈聖人務為新竒 不可測者也人之所以獲尊者以其中有所不可窺者 也然後作易觀天地之象以為爻通陰陽之變以為卦

1.2.10 in 1.2.1 其為一為二為三為四而歸之也人也分而為二吾不 陽或為陰者必自分而為二始掛一吾知其為一而掛 之也樣之以四吾知其為四而樣之也歸奇於初吾知 乎天技耳技何所施吾教於是取筮夫筮之所以或為 卜筮者天下之至神也而卜者聴乎天而人不預馬者 而鑚之方功義弓惟其所為而人何預馬聖人曰是純 也筮者決之天而營之人者也龜漫而無理者也灼荆 怪以誇後世耶聖人不因天下之至神則無所施其教 細海網編

禹洛出書神龜負文而出列於背有數至於九禹遂因 天乃錫禹洪範九畴尋偷攸叙孔安國傅其言云天與 廖偁洪範論 其道於無窮也已上易 道遂尊而不廢此聖人用其機權以持天下之心而濟 行天乃不界洪範九疇弊倫攸數縣則殛死禹乃嗣 銀江四月百十 有所施吾教矣於是因而作易以神天下之耳目而其 知其為幾而分之也天也聖人曰是天人參馬道也道 箕子之似洪範云縣煙洪水泪陳其五 興

千古則洪範者固前賢之所啓也豈得在禹方受之於 神龜之文而後知洪範僻案洪範皆人事之常而前古 而出泊班固撰五行志又引劉歆之言亦云禹得洛書 天者也禹之所得乃天與之也故云洛出書神龜負文 而第之以成九類稱觀安國之意誠謂洪範之書出於 天行道以理天下使皇王之徳被於兆人而足以儀法 不可得而知也伏議而下至於充舜觀其事未有不法 之達道也前古之達道皆出於聖人者也伏犧而前俱

政五紀皇極稽疑庶徴福極之事不聞於堯舜而上也 伏犧而下未有不由之者則洛出龜負以投於禹得為 洪範者果非人之所能察也自禹而上果未之聞於世 天錫故也是亦不知天道之說也夫凡所謂天道誠亦 今驗五行五事八政五紀皇極稽疑庶徴 福極之義自 天哉若洪範之書出於洛而神龜負之以授於禹則是 可乎雖然安團劉歆班固所以云者誠感於箕子所 也若果非人之所能察而世果未之聞則五行五事

一欽定匹库全書

75.

· 貫盈天命誅之不順道之謂也其洪範者天下之達道 在於人耳順於天乃天道之與也不順於天乃天道之 畴禹有聖徳於天下之達道固行之也故箕子云天乃 錫禹洪範九畴諸儒不達於此以皇天震怒不畀洪範 而達道誠不可得也故箕子云天乃震怒不畀洪範九 也里人之所履而凶人之所不及也縣有凶德於天下 不與也書云天之歷數在汝躬順道之謂也又云商罪 九畴即謂天果祕之而不與之天乃錫禹洪範九畴

聖之心也而後之為君者尚能務蹈聖徳未有不受洪 親受修於天也何不然之甚乎僻以為洪範者出於前 此又足恠矣雖然欲成其為能無辭乎諸儒既有洛出 範於天者也自二五已降有道者皆受於天所以然者 云洪範九畴禹次而類之又云洛書本文凡六十五字 天下之達道天之常道也行之則受之於天矣諸儒又 謂天果授而與之斯實不明其子之意也若諸儒所論 天之歴數在汝躬是必親受歷數於天也天命誅之必 ù.

交色写事 白色 歐陽修泰誓論 皆古之達禮也周公録之以成書耳 王如此十年商人有反晏然不以為怪其父師老臣 西伯以征伐諸侯為職事其伐黎而勝也商人已疑其難 龜負之誼則宜其云也如此嗚呼聖人之道不得其傳 武王之問故遂以洪範之道録而為書亦由周儀二禮 **誠可痛矣或曰然則洪範之篇所以録之者箕子也以** 制而惡之使西伯赫然見其不臣之狀與商並立而稱 書稱商始各周以乗黎乘教者西伯也 經濟類編

執而囚之幾不免死至其叛已不臣而自王乃反優容 伯稱王者起於何說而孔子之言萬世之信也由是言 命稱王十年者妄說也孔子曰三分天下有其二以服 紂之雄猜暴虐嘗醢九侯而脯鄂侯矣西伯聞之竊歎 祖伊微子之徒亦黙然相與熟視而無一言此豈近於 而不問者十年此豈近於人情邪由是言之謂西伯受 ,情邪由是言之謂西伯受命稱王十年者妄說也以 ·商使西伯不稱臣而稱王安能服事於商乎且謂西

金分巴尼白量

大足の事人と自 其子此豈近於人情邪由是言之謂西伯受命稱王十 賢共往歸之當是時紂雖無道天子也天子在上諸侯 年者妄說也書之泰誓十有一年說者因以謂自文王 義之士也方其讓國而去顧天下皆莫可歸聞西伯之 顧天下莫可歸卒依惜叛之國而不去不非其父而非 之謂西伯受命稱王十年者妄說也伯夷叔齊古之知 久而不去至武王伐紂始以為非而棄去彼二子者始 不稱臣而稱王是僭叛之國也然二子不以為非依之 經濟獎編

受命九年及武王居喪二年并數之爾是以西伯聴虞 遠矣又不改元由是言之謂西伯以受命之年為元年 其居喪稱十一年及其滅商而得天下其事大於聴 武王即位宜改元而及不改元乃上胃先君之元年并 事歟西伯即位已改元矣中間不宜改元而文改元至 位必稱元年常事爾不以為重也後世曲學之士說春 **芮之訟謂之受命以為元年此又妄說也古者人君即** 始以改元為重事然則果常事與固不足道也果重 卷四十七

金江正月月十二

次定四事全書! 信乎六經則泰誓者武王之事也十有一年者武王即 與六經相亂自漢以來莫能辨正今有卓然之士一 六經以為後世法及孔子既及去聖稍遠而衆說復興 子當東周之際患眾說紛紜以感亂當世於是退而修 伐紂出於諸家之小說而泰誓六經之明文也昔者孔 則武王畢喪伐紂而泰誓易為稱十有一年對曰畢喪 者妄說也後之學者知西伯生不稱王而中間不再改 **元則諸書所載文武之事粲然明白而不証矣或曰然** 經濟類編

馬取信于書可矣已上書 位之十有一年爾復何疑哉司馬遷作周本紀雖曰武 金ラピんと言 王即位九年祭於文王之墓然治兵于盟津至作伯夷 漢光武時尚書令韓歆上疏欲為費直易左氏春秋立 列傳則又載父死不葬之說皆不可為信是以吾無 可前平說范升起對曰左氏不祖孔子而出於丘明師 博士詔下其議公婦大夫博士見於雲臺帝曰范博士 相傳又無其人且非先帝所存無因得立遂與歆

復求立各有所執華戻分爭從之則失道不從則失人 たこうられいます 将恐陛下必有厭倦之聴孔子曰博學的之弗畔矣去 關夾如今左氏費氏得置博士 高氏關夾五經奇異並 古無以承天臣不述舊無以奉君陛下愍學微缺勞心 羣下執事莫不據正京氏既立費氏怨望左氏春秋復 經藝存志博聞故異端競進近有司請置京氏易博士 太中大夫許淑等互相辯難退而上書 以比類亦希置立京費已行次復高氏春秋之家又有 經濟頻線 臣聞主不精

修奏立左費非政急務孔子曰攻乎異端斯害也已傳 天下紀綱未定雖設樂官無有弟子詩書不講禮樂不 疑道不可由疑事不可行詩書之作其來已久孔子尚 而多反異先帝前世有疑於此故京氏雖立輕復見廢 周流遊觀至于知命自衛反魯乃正雅頌今陛下草創 子可謂知教顏淵可謂善學矣老子曰學道日損損猶 金江四月全書 約也又曰絕學無憂絕末學也今費左二學無有本師 夫學而不約必叛道也顏淵曰博我以文約我以禮孔

曰正其本萬事理五經之本自孔子始謹奏左氏之失 AL ALDER LA BERT TO A STATE OF THE PARTY OF 知丘明至賢親受孔子而公羊穀梁傳聞於後世故詔 **愍經藝謬襟真偽錯亂每臨朝日軟延羣臣講論聖道** 陳元乞立左氏博士疏 凡十四事 所以異者以不一本也易曰天下之動貞夫一者也又 之所疑信先帝之所信以示反本明不專已天下之事 經濟類編 陛下撥亂反正文武並用深

口開疑傳疑開信傳信而充舜之道存願陛下疑先帝

所言前後相違皆斷截小文媒類微解以年數小差撥 奏左氏春秋不可立及太史違戾凡四十五事案升等 聽故伯牙絕絃至實不同眾好故十和泣血仲尼聖德 道在氏孤學少與遂為異家之所覆冒夫至音不合衆 所習歌守舊聞固執虚言傳受之辭以非親見實事之 而不容於世況於竹帛餘文其為雷同者所排固其宜 非陛下至明孰能察之臣元竊見博士范升等所議

金方四月百里

立左氏博詢可否示不專已盡之羣下也今論者沉溺

ろんとりましまから 教梁有語記太子受公羊不得受穀梁孝宣皇帝在人 而穀梁氏與至今與公羊並存此先帝後帝各有所立 問時間衛太子好穀梁於是獨學之及即位為石渠論 陛下不當都山東也往者孝武皇帝好公羊衛太子好 為巨謬遺脱纖微指為大尤快瑕摘緊掩其弘美所謂 小辯破言小言破道者也升等又曰先帝不以左氏為 而後主必行者則盤庚不當選於殷周公不當管洛己 經故不置博士後主所宜因襲臣愚以為若先帝所行 經濟類編

聖獨見之古分明黑白建立左氏解釋先聖之積結洮 朱不為巧眩移目師曠不為新聲易耳方今干戈少 弭 夫明者獨見不感於朱紫聴者獨聞不謬於清濁故離 下誦孔氏之正道理丘明之宿寃若解不合經事不稽 法學者之累感使基業垂於萬世後進無復狐疑則天 金にんじんとう 武事略戢留意聖藝眷顧儒雅採孔子拜下之義卒淵 下幸甚臣元愚鄙嘗傅師言如得以褐衣召見俯伏庭 不必其相因也孔子曰純儉吾從眾至於拜下則違之

於定四華全書 图 谷風之篇奏骨肉之親離則角弓之怨彰君子之路塞 范霜穀梁傳序 則白駒之詩賦天垂象見吉凶聖作訓紀成敗欲人 弁之剌作君臣之禮廢則桑扈之諷與夫婦之道絕則 古退就重誅雖死之日猶生之年也 縮川岳為之崩竭鬼神為之疵厲故父子之恩缺則小 因釁而作民俗染化而遷陰陽為之愆度七曜為之盈 偷攸斁弑逆篡盗者國有淫縱破義者比肩是以妖災 昔周道衰陵乾綱絕紐禮康樂崩奏 經濟類編

於國風齊王德於邦君所以明其不能復雅政化不足 在已於是就大師而正雅頌因魯史而修春秋列泰離 所由者斯四夷交侵華戎同貫幽王以暴產見禍平王 戒慎厥行增修徳政益誨爾諄諄聽我說乾優霜堅水 而敦曰文王既沒文不在兹乎言文王之道喪與之者 理極天下蕩蕩王道盡矣孔子觀滄海之横流乃喟然 微弱東遷征伐不由天子之命號令出自權臣之門 兩觀表而臣禮亡朱干設而君權喪下陵上替替逼

筆於斯年成天下之事業定天下之邪正莫善於春秋 次至三年全書 潜德獨運者無所隱其名信不易之宏軌百王之通典 也先王之道既弘麟感化而來應因事備而終篇改絕 瑜華衮之贈片言之貶辱遇市朝之撞德之所助雖賤 勘誠拯頹綱以繼三五鼓芳風以扇遊塵一字之衰龍 以被奉后也於時則接乎隱公敌因兹以託始該二儀 必伸義之所抑雖貴必屈故附勢置非者無所逃其罪 之化育賛人道之幽變舉得失以彰點陟明成敗以著 經濟額編 坌

幣為用禮是居喪可得而婚也以拒父為尊祖是為子 為愛君文公納幣為用禮穀梁以衛軟拒父為尊祖莊 夫人為合正以兵諫為愛君是人主可得而脅也以納 春秋之傳有三而為經之古一臧否不同褒貶殊致益 以廢君為行權是神罷可得而窺也以妾母為夫人是 九流分而微言隱異端作而大義華左氏以醫拳兵諫 可得而叛也以不納子斜為內惡是仇讐可得而容也 公不納子糾為內惡公羊以祭仲廢君為行權妾毋稱

金グロル

设定四車全書 人 廢興由於好惡威衰繼之辯的斯益非通方之至理 容俱失者至言幽絕擇善靡從庸得不並舎以求宗據 理以通經乎雖我之所是理未全當安可以得當之難 非紛錯准裁靡定故有父子異同之論石渠分爭之說 而自絕於希通哉而漢與以來壞望碩儒各信所習是 傳殊說庸得不棄其所滯擇善而從乎既不俱當則固 也凡傳以通經為主經以必當為理夫至當無二而三 嫡庶可得而齊也若此之類傷教害義不可得强通者 经滴额编

氏則有服杜之註公羊則有何嚴之訓釋穀梁傳者雖 吳乃帥門生故吏我兄弟子姪研講六籍次及三傳左 其失也短公羊辯而裁其失也俗若能富而不誣清而 引左氏公羊以解此傳文義違反斯害也已於是乃商 身而已矣升平之未歲次大梁先君北蕃回擊頓駕于 近十家皆膚淺末學不經師匹辭理典據既無可觀又 君子之所歎息也左氏盤而富其失也誣穀梁清而婉 不短裁而不俗則深於其道者也故君子之於春秋沒

夏墜從弟彫落二子泯沒天實喪子何痛如之今撰諸 之與詠總絕代之離詞辯同實而殊號者也誠九流之 郭璞爾雅序 子之言各記其姓名名曰春秋穀梁傅集解已上春秋 略名例敷陳疑滯博示諸儒同異之説昊天不弔大山 三學士及諸子弟各記所識并言其意業未及終嚴霜 其顏匍匐墓次死亡無日日月逾邁跂及視息乃與二 夫爾雅者所以通話訓之指歸敘詩人

· 飲定四車全書 一人

津涉六藝之鈴鍵學覽者之潭與摘翰者之華兒也若

經濟類編

羣言到其瑕磔搴其蕭狼事有隱滯援據殺之其所易 十餘然猶未詳備並多紛繆有所漏畧是以復級集異 英儒瞻聞之士法筆麗藻之客靡不致玩耽味為之義 了關而不論別為音圖用祛未寤轍復擁篲清道企堂 **聞會秤舊說考方國之語采謡俗之志錯綜樊孫博闋** 訓璞不揆檮昧少而習馬沈研鑚極二九載矣雖註者 乃可以博物不感多識於鳥獸草木之名者莫近於爾 爾雅者益與於中古隆於漢氏豹鼠既辨其業亦顯

んととりあれたらの 颇有浮説煩而不要者亦由七十二子各共叙述首尾 王子雍家語序 孔子家語者皆當時公婦士大夫及 加之潤色其材或有優劣故使之然也孔子既沒而徴 曰 所論辯疏判浚歸實自夫子本古也屬文下辭往往 事者别出為論語其餘則都集録之名之曰孔子家語 各記其所問馬與論語孝經並時弟子取其正實而切 七十二弟子之所諮訪交相對問言語也既而諸弟子 塵躅者以將來君子為亦有涉乎此也 經濟類編

文字及吕氏專漢取歸藏之其後被誅亡而孔子家語 金いせんといって 有馬始皇之世李斯焚書而孔子家語與諸子同列故 昭王時首卿入秦昭王從之間儒術首婦以孔子之語 言絕七十二弟子終而大義奉六國之世儒道分散遊 說之士各以巧意而為枝葉孟軻首卿守其所習當秦 乃散在人間好事者或各以意增損其意故使同是事 不見減髙祖克秦悉欽得之皆載於二尺竹簡多有古 及諸國事七十二弟子之言凡百餘篇與之由此秦悉

STATION OF THE STATE OF THE STA 子之言者本不存乎家語亦以自己自有所傳也是以 悉得之乃以事類相次撰集為四十篇又有曾子問禮 一簡合而藏之秘府元封之時吾任京師竊懼先人之典 夫皆送官得日氏之所傳孔子家語而與諸國事及七 十子辭妄相錯雜不可得知以付掌書與典禮衆篇亂 辭將遂泯沒於是因諸公卿大夫私以人事募求其副 而極異辭孝景皇帝本年募求天下遺書于時京師大 篇自别屬曾子問故不復録其諸弟子書所稱引孔 经海损编

金がせたといって 孟子之所作也故總謂之孟子其篇目則各自有名孟 皆不取也將來君子不可不鑑 子仕於齊喪母而歸莖於魯也三桓子孫既以衰微 趙岐孟子題辭 非魯也今鄒縣是也或曰孟子魯公族孟孫之後故孟 子時改曰鄒美國近魯後為魯所并又言都為趙所升 子鄒人也名軻字則未聞也鄒本春秋邾子之國至孟 末指義文辭之表也孟姓也子者男子之通稱也此書 孟子題解者所以題號孟子之書本

於定四車全書 一 侯思濟斯民然由不肯枉尺直尋時君成謂之迂濶於 墨翟放荡之言以干時感泉者非一孟子関悼尭舜湯 長師孔子之孫子思治儒術之道通五經尤長於詩書 紅紫亂朱於是則慕仲尼周流憂世遂以儒道遊於諸 文周孔之業將遂湮微正塗壅底仁義荒怠佐偽馳轉 先權謀以為上賢先王大道陵運隳廢異端並起楊未 周衰之末戰國縱横用兵爭强以相侵奪當世取士務 適他國孟子生有淑質風喪其父幻被慈母三遷之教 經濟類編

命禍福粲然靡所不載帝王公侯遵之則可以致隆平 四千六百八十五字包羅天地揆序萬類仁義道德性 問又自撰其法度之言著書七篇二百六十一章三萬 是退而論集所與高弟弟子公孫五萬章之徒難疑答 |之餘風耻没世而無聞馬是故垂憲言以詔後人仲尼 有云我欲託之空言不如載之行事之深切者明也於 劉之未奮進不得佐與唐虞雍熙之和退不能信三代 事終莫能聴納其説孟子亦自知遭蒼姬之記錄值炎 ヨジャノ 次至四車全書 一 書則而象之衛靈公問陳於孔子孔子答以姐豆梁惠 馬此大賢擬聖而作者也七十子之時會集大子所言 書繁周易作春秋孟子退自齊梁述充舜之道而著作 操者儀之則可以崇高節抗浮雲有風人之託物二雅 以為論語論語者五經之館館六藝之喉谷也孟子之 也孔子自衛反魯然後樂正雅頌各得其所乃刑詩定 之正言可謂直而不倨曲而不屈命世亞聖之大才者 經濟類編 ż

|頌清廟卿大夫士蹈之則可以尊君父立忠信守志属

孝文皇帝欲廣遊學之路論語孝經孟子爾雅旨置博 號為諸子故篇籍得不泯絕漢興除泰虐禁開延道德 継逮至亡秦焚滅經術坑戮儒生孟子徒黨盡矣其書 予不遇哉肯意合同若此者衆又有外書四篇性善辨 文説孝經為正其文不能弘深不與內篇相似似非孟 生徳於子魯臧倉毀鬲孟子孟子曰臧氏之子馬能使 子本真後世依放而託之者也孟子既沒之後大道遂 王問利國孟子對以仁義宋桓雕欲害孔子孔子稱 次定四軍全書 之際嬰戚于天遘也離蹇說性通身經營八紘之內十 生西京世尋玉祚有自來矣少家義方訓涉典文知命 孟子以明事謂之博文孟子長於譬喻解不迫切而意 士後罷傳記博士獨立五經而已記令諸經通義得引 多垂異不同孟子以來五百餘載傳之者亦已衆多余 逆志為得之矣斯言殆欲使後人深求其意以解其文 不但施於説詩也今諸解者往往摭取而説之其説又 已獨至其言曰説詩者不以文害解不以解害志以意 紹漸類編

而辯之者既已詳矣儒家惟有孟子閎遠微妙編典難 志於翰墨得以亂思遺老也惟六籍之學先覺之士 古慰以大道余困各之中精神遐漂靡所濟集聊欲係 或有温故知新雅徳君子矜我的瘁睠我皓首訪論稽 句具載本文章別其指分為上下凡十四卷究而言之 見宜在條理之科於是乃述已所聞證以經傳為之章 有餘年心勒形瘵何勤如馬嘗息肩弛擔於濟岱之間 不敢以當達者施於新學可以寤疑辯惑愚亦未能審

分りでん

於定四車全書 四 於是非後之明者見其違關儻改而正諸不亦宜乎 則机稅方則嗇法噓則流體唫則凝形是故闔天謂 復其所終始定矣一生一 無而生乎規欄神明而定摹通同古今以開類攡錯陰 揚雄太玄攤 以視乎情察性知命原始見終三儀同科厚簿相劘 而發氣一判一合天地備矣天日迴行剛柔接矣還 闢宇謂之宙日月往來一寒一暑律則成物思則 玄者幽攤萬類而不見形者也資陶虚 經濟類編 死性命瑩矣仰以觀乎象俯

卓然示人遠矣曠然廓人 畛深其阜而眇其根壤其功而幽其所以然者也故 瞶瞶瑩天下之晦晦者其唯玄乎夫玄晦其位而冥其 陰陽分索夜道極陰畫道極陽牝牡犀貞以攤吉凶則 之合而連之者也級之以其類占之以其觚晓天下之 H 君臣父子夫婦之道辯矣是故日動而東天動而西天 時律歷交道聖人 錯行陰陽更巡死生相嫪萬物乃纏故玄鸭取天 八以謀畫以好之夜以醜之一 、大美淵然引人深美渺然 晝 玄

すらせ

交足四年上 博用者公也能以偶物者通也無所繁較者聖也時與 則不能嘿則得其所者玄也故玄者用之至也見而 之者智也視而愛之者仁也斷而决之者勇也兼制而 窥之在乎下企而望之在乎前棄而忘之在乎後欲違 者善也人之所醜而有餘者惡也君子曰殭其所不足 其户叩其鏈然後乃應況其否者乎人之所好而不足 而拂其所有餘則玄之道幾矣仰而視之在乎上俯而 人助矣嘿而該之者玄也擇而散之者人也稽其門 經濟類編 九十二

而君子小人之道較然見矣玄者以衡量者也高者 平離乎情者必者乎偽離乎偽者必者乎情情偽相益 其唯玄乎縣之者權也平之者衡也濁者使清險者使 陰陰知陰而不知陽知陰知陽知止知行知晦知明者 金グセルノ 物之謂陽也幽無形深不測之謂陰也陽知陽而不 之謂義也東道德仁義而施之之謂業也瑩天功明萬 不時者命也虚形萬物所道之謂道也因循無革天下 理得之謂徳也理生昆奉兼愛之謂仁也列敵度宜 知

設故貴賤序四時行故父子繼律歷陳故君臣理常 極馬以通旋機之統正玉衛之平園方之相研剛柔之 相干風則又衰窮則更生有實有虚流止無常夫天地 次足四華全書 一 通氣有一有二有三位各殊輩回行九區終始連屬 天宙然示人神矣夫地他然示人明矣天地真位通明 之甲者舉之餘者取之罄者與之明者定之疑者提之 規之者思也立之者事也說之者辯也成之者信也夫 下無隅察龍虎之文觀鳥龜之理運諸泰政繁之泰始 經濟類編

透故萬物纏陽不極則陰不前陰不極則陽不牙極寒 生熱極熱生寒信道致訟訟道致信其動也日造其所 錯故百事折質文形故有無明古為見故善否著虚實 無而好其所新其静也日減其所有而損其所成故推 而章章始始而終終近玄者玄亦近之遠玄者玄亦遠 形抽不抽之緒與萬類相連其上也縣天下也淪淵纖 以刻祭之以咎反覆其序軫轉其道也以見不見之 ,歲廣也包畛其道游冥而挹盈存存而亡亡微微 圣四 钦定四車全書 1 或右或死或生神靈合謀天地乃并天神而地靈 盈日之南也右行而左還斗之南也左行而右還或左 死日一北而萬物生斗一北而萬物虚斗一南而萬物 滿故謂之近玄夏至及日中以後者遠玄之象也進極 而退往窮而還已滿而損故謂之遠玄日一南而萬物 夜半以後者近女之象也進而未極往而未至虚而未 在馬及其倪則不見也天豈去人哉人自去也冬至及 之譬若天蒼蒼然在於東面南面西面北面仰而無不 經濟類編

